



«КИМ ВАТАНГА СОДИҚ БЎЛСА, МЕНДИРМАН ЎША!»

www.mv-vatanparvar.uz


@vatanparvar09@mail.ru

VATAN – MUQADDAS, UNI HIMOYA QILISH SHARAFLI BURCHDIR!

VATANPARVAR



Сайтимизга ўтиш
учун QR-кодини
сканер қилинг.




КИТОБ – ТАФАККУР ҚАНОТИ

2020 йил 25 декабрь, №52 (2907)



5-бетда

ОФИЦЕРЛИК ОСТОНАСИДАГИ
МАҲОРАТ СИНОВИ



7-бетда

САВОЛЛАРГА ЎРИН
ҚОЛМАДИ

● Президент Шавкат Мирзиёев 23 декабрь кuni инвестициялар ва ташқи савдо соҳасидаги ишлар натижадорлиги ҳамда 2021 йилга мўлжалланган асосий вазифалар муҳокамаси бўйича йиғилиш ўтказди.

Унда давлатимиз раҳбари 2021 йил ҳам иқтисодиёт учун осон бўлмаслигини, шу боис инвестициялар жалб қилиш, ўзлаштириш ва экспорт прогнозларини таъминлаш, импорт ўрнини босувчи маҳсулотлар ишлаб чиқаришни кўпайтириш учун ҳозирданок аниқ, манзилли чоралар кўриш зарурлигини таъкидлади.

1 январдан бошлаб, халқаро молия институтлари кредит маблағлари ҳисобига амалга ошириладиган лойиҳалар бўйича янги тизим жорий этиш, ҳар бир лойиҳада белгиланган маблағларни самарали ўзлаштириш ва натижадорлигини таъминлаш мақсадида «Лойиҳа офислари» раҳбар ва ходимлари малакасини ошириш ва уларни ўқитиш муҳимлиги таъкидланди.

● Республика махсус комиссиясининг қарорига биноан, жорий йил 21 декабрь санасидан 2021 йил 10 январга қадар Буюк Британия, Италия, Германия, Дания, Австрия, Австралия, Нидерландия ва Жанубий Африка Республикаси давлатлари билан халқаро авиарейслар (кириш, чиқиш ва транзит рейслар орқали республикага кириш) тўхтатилади.

Мазкур жорий этилаётган чекловлар ушбу давлатлардаги эпидемиологик вазият барқарорлашгани сари босқичма-босқич бекор қилиб борилади.

ЎЗА материаллари асосида тайёрланди.

О'ЗБЕКISTON



HAFTA ICHIDA

- 9 «ҚАЙТГАНИМДА УЙДА БЎЛ...»
- 17 БИРИНЧИ ЎЗБЕК ТОҒ-ОТЛИҚ ДИВИЗИЯСИ
- 18 ШЕРЮРАК РАЗВЕДКАЧИ
- 21 ЎРТА АСРЛАРДАГИ БАЪЗИ ҒАЙРИОДДИЙ КАСБЛАР

Мудофаа вазирлиги тизимига оид сўнги янгиликлар билан қуйидаги манзиллар орқали танишинг:

t.me/mv_vatanparvar_uz
t.me/mudofaa_press

facebook.com/UzArmiya

instagram.com/uzbekistanarmy

АЙЁМ ШУКУҲИ

“ Мудофаа вазирлиги марказий аппаратида «Ватанпарварлик ойлиги» доирасида Ўзбекистон давлат симфоник оркестри ва хор жамоасининг концерт дастури намоёиш этилди.

Ватан учун ҳар ким ўз вазифасидан келиб чиқиб хизмат қилади. Ўзбекистон давлат симфоник оркестри ва хор жамоаси ҳам ўзининг санъати билан юртдошларимизнинг ватанпарварлик туйғуларини юксалтириб, руҳлантириб, шижоатлантириб бу улуғ ишга ўз ҳиссасини қўшмоқда.

– Тадбир жуда ҳам кўтаринки руҳда ўтди. Ўйлайманки, ташкил қилинган учрашувдан кўзланган мақсадга ортиғи билан эришилди. Бу каби тадбирларнинг кўнгилларни бирлаштириши, барчани ягона мақсад – юрт осойишталиги ва ободлиги йўлида жипслаштиришга хизмат қилиши билан аҳамияти катта. Она юрт оҳанглари Ватан ҳимоячиларини бундан-да улкан мақсадлар сари ундашига шубҳа йўқ, – дейди подполковник Нурбек Отақўзиев.

Мудофаа вазири генерал-майор Баҳодир Қурбонов томонидан дирижёр, Ўзбекистонда хизмат кўрсатган артист, Ўзбекистон давлат консерваторияси ректори Камолитдин Ўринбоевга миннатдорлик рамзи сифатида ташаккурнома ҳамда эсдалик совғалар топширилди.

ДЎСТЛАШУВ КУНИ



Муаллиф суратга олган



«Ким Ватанга содиқ бўлса, мендирман ўша!» шиори остида ўтказилган ушбу тадбир элу юрт манфаати, она диёр осойишталиги йўлида хизмат қилаётган ватандошларнинг дўстлашув кунига менгзалди. Ҳамиша юрт қайғусида яшайдиган ҳарбий хизматчилар ва Қуролли Кучлар хизматчилари юмушларини бирпас унутдилар. Санъатга ошуфта кўнгилларнинг куй-наволардан шижоати, ғайрати янада ортди. Тадбир иштирокчилари хонанда ва созандалар тимсолида уларга суянган элнинг нафасини яна бир бор ҳис қилдилар.

Абдулла ЎКТАМҚУЛОВ

ЖАСОРАТ УНУТИЛМАЙДИ

“ 2000 йил Сурхондарё вилоятининг тоғли ҳудудларидан юртимиз сарҳадларига суқилиб кирган бир гуруҳ қуролланган террорчилар мамлакатимиз мустақиллигига раҳна солишга уринади. Ватан саодати йўлида камарбаста ҳарбий хизматчилар ўз қасамёдига содиқ қолган ҳолда юрт ҳимоясига отланади. Каттақўрғонлик Улуғбек Барноев ҳам ана шу шараф йўғрилган сафда эди...

«ҲАРБИЙЛАРДА ОҚИБАТ БОР ЭКАН...»

Каттақўрғон гарнизонидаги сафарбарлик чақируви резерви батальони шахсий таркиби Улуғбек Барноев оиласидан мунтазам равишда хабар олиб туради. Ҳарбий қисмда улар иштирокида турли хил маънавий-маърифий тадбирлар ҳам ўтказиб келинмоқда.

Бу гал ҳам қаҳрамон ҳарбий хизматчи хонадонига батальон командири подполковник Асқар Юсупов бошчилигидаги бир гуруҳ ҳарбий хизматчилар ташриф буюриб, унинг оила аъзоларидан ҳол сўрашди. Мана шундай фарзандни вояга етказиб, унга тарбия берган Абдулла ота ва Сабоат онага яна бир бор раҳмат айтишди.

– Ҳарбийларга кўзим тушди, дегунча ўғлимнинг кулиб турган чехраси кўз ўнгимда гавдаланади, – дейди Улуғбекнинг онаси Сабоат она. – Тақдир экан, Ватан ҳимояси йўлида жонини фидо этиб, номини мангуликка муҳрлаб кетди болажоним. Минг раҳмат, шахримиздаги ҳарбийлар бизни шу пайтгача бирор кун ёлғизлатиб қўймади. Биламан, уларнинг кўпчилиги ўғлимни ҳатто бир марта бўлса ҳам кўрмаган. Лекин ҳарбийларда оқибат бор экан. Бундай ғамхўрлик ва меҳрибончилик ҳар кимнинг ҳам қўлидан келавермайди.

Ширин ва шарафли дамлар ёдга олинди. Хонадон соҳибларига совғалар тақдим этилди.

Майор Учқун САЪДУЛЛАЕВ



ХАЛҚАРО ҲАМКОРЛИК

ЎЗАРО ҲУҚУҚИЙ МУНОСАБАТЛАРНИ МУСТАҲКАМЛАШ ЙЎЛИДА

“ 2020 йил 22 декабрь куни Бош прокуратурада Ўзбекистон Республикаси Бош прокурорининг ўринбосари – Ўзбекистон Республикаси Ҳарбий прокурори генерал-майор Шухрат Узаков Хитой Халқ Республикасининг Ўзбекистон Республикасидаги элчихонаси ҳузуридаги мудофаа масалалари бўйича Атташе аппарати вакиллари билан учрашди.

Томонлар икки давлат ҳарбий прокуратура органлари ўртасидаги ҳамкорликнинг бугунги кундаги ҳолати ва уни янада ривожлантиришнинг келгусидаги истиқболларини муҳокама қилдилар.

Хусусан, ишлаб чиқиладиган идоралараро ҳамкорлик ҳақидаги меморандумнинг икки томонлама алоқаларнинг самарадорлигини оширишда муҳим амалий аҳамиятга эга бўлиши алоҳида қайд этилди.

Иштирокчилар мазкур мулоқотнинг ўзаро ҳуқуқий муносабатлар ривожланиши ва мустаҳкамланишида янги туртки бўлишини таъкидладилар.

Учрашув самимий ва дўстона руҳда ўтди.

Адлия подполковниги Равшанжон ЖАЛИЛОВ,
Республика Ҳарбий прокуратураси бўлим бошлиғи

«ВАТАНПАРВАРЛИК ОЙЛИГИ»

14 январь – Ватан ҳимоячилари кунини муносиб кутиб олиш ҳамда уни умумхалқ байрами сифатида кенг нишонлаш, фуқароларимизнинг онгу тафаккурига Ватан ҳимояси шарафли ва муқаддас бурч экани, миллий армиямиз билан фахрланиш, давлатимиз хавфсизлигини таъминлаш борасида масъулият туйғусини чуқур сингдириш ҳозирги замоннинг муҳим талабларидан бири. Шу муносабат билан Президентимизнинг «Ўзбекистон Республикаси Қуролли Кучлари ташкил этилганлигининг 29 йиллиги ҳамда Ватан ҳимоячилари кунини нишонлашга тайёргарлик кўриш ва ўтказиш чора-тадбирлари тўғрисида»ги фармойиши эълон қилинди.

Фармойишда 2020 йилнинг 18 декабридан 2021 йилнинг 18 январига қадар юртимизда кенг аҳоли қатламлари, айниқса, ёшларни жалб қилган ҳолда «Ким Ватанга содиқ бўлса, мендирман ўша!» деган устувор ғоя асосида «Ватанпарварлик ойлиги»ни ўтказиш белгиланган. Миллий матбуот марказида «Ўзбекистон Республикасида 14 январь – Ватан ҳимоячилари кунини байрамни кенг нишонлашга тайёргарлик жараёнлари» мавзусида матбуот анжумани бўлиб ўтди. Матбуот анжуманида иштирок этган мудофаа вазирининг матбуот котиби – ахборот сиёсати масалалари бўйича маслаҳатчиси полковник Баҳром Зулфиқоров, Мудофаа вазирилик, Давлат хавфсизлик хизмати Чегара қўшинлари ҳамда Миллий гвардия тарбиявий ва мафкуравий ишлар бошқармалари бошлиқлари оммавий ахборот воситалари ходимларини қизиқтирган саволларга жавоб берди.

ОНЛАЙН-СЕМИНАР

Қуролли Кучлар академиясида «Хорижий тажрибани Ўзбекистон Республикаси Мудофаа вазирилик қўшинларига татбиқ этиш» мавзусида онлайн илмий-амалий семинар ўтказилди.

Олий ҳарбий таълим муассасаларида ўқув-тарбиявий жараён сифатини ошириш, ҳарбий фанларни ўқитишга доир замонавий ёндашувларни таҳлил этишга бағишланган тадбирда Мудофаа вазирилик Кадрлар бош қармаси бошлиғи полковник Акмал Ортиқов ва бошқалар миллий армияни юқори малака, касбий маҳорат ва жанговар қобилиятга эга, ҳарбий касб талабларига тўла жавоб берадиган профессионал кадрлар билан таъминлашга алоҳида эътибор қаратилаётганини таъкидлади.

ЯНГИЧА ДАСТУР – ЯНГИЧА ЁНДАШУВ



Байрамни муносиб нишонлаш учун бир ой давомида юртимиздаги маданият ва истироҳат боғларида ҳарбий оркестрлар ҳамда бадий-ҳаваскорлик жамоалари иштирокида «Армия – ёшлар нигоҳида» шиори остида ҳарбий-ватанпарварлик фестиваллари, нонъанавий «флешмоб»лар ўтказиш кўзда тутилган. Шунингдек, ҳарбий хизматчилар ва бошқа соҳа вакилларининг ота-оналари билан биргаликда «Менинг фарзандим юрт ҳимоячиси» ва «Армиянинг илғори – маҳалламиз ифтихори» мавзуларида онлайн маънавий-маърифий тадбирлар, қўшинлар қўмондонлари раҳбарлигида ёшлар билан «Вилоятдаги тенгдошим» видеомулоқот учрашувларини ташкиллаштириш вазифаси қўйилган.

Кўриниб турибдики, Ватан ҳимоячилари кунини нишонлашга янгича ёндашилиб, янгича дастур ишлаб чиқилган. Мақсад, Ўзбекистонда яшовчи ҳар бир фуқарога, ҳар бир оилага Қуролли Кучларимизнинг ўрнини, аҳамиятини етказиш, буюк аждодларимизнинг бебаҳо меросига таяниб яшайдиган баркамол шахс – бўлажак Ватан ҳимоячиларини тарбиялаш, уларнинг дунёқараши, мантиқий, ижодий ҳамда таҳлилий фикрлаш доирасини кенгайтиришдан иборат. Булар она Ватан тақдири учун юксак масъулият

ва жавобгарлик каби муҳим хусусиятларни янада мустаҳкамлаш билан бирга халқ ва армия якдил эканлигини яна бир марта амалда исботлашга хизмат қилади.

Матбуот анжуманида сўзга чиққанлар айнан шу масалалар бўйича тегишли идоралар томонидан амалга оширилиши кўзда тутилган вазифаларга батафсил тўхталдилар. Шуниси эътиборлики, Ватан ҳимоячилари кунини нишонлаш арафасида, 2021 йилнинг 10-18 январь кунлари талаба ва ўқувчи ёшлар учун Қуролли Кучлар давлат музейи ҳамда «Ғалаба боғи» ёдгорлик мажмуасига бепул ташрифлар ташкил этилиши ҳақида маълумот берилди.

Матбуот анжуманида Ўзбекистон журналистика ва оммавий коммуникациялар университети ҳарбий журналистика факультети талабалари ҳам иштирок этишди. Муҳокама қилинган мавзулар уларнинг келгусидаги касбий фаолияти учун муҳим тажриба мактаби вазифасини ўташи аниқ. Негаки, тадбир якунида университетнинг биринчи ҳамда иккинчи курс талабалари полковник Баҳром Зулфиқоров иштирокидаги давра суҳбатида бўлажак ҳарбий журналистлар қандай тамойилларга амал қилишлари ҳақидаги қимматли маълумотларга эга бўлдилар.

Асрор РЎЗИБОЕВ

ХОРИЖИЙ ТАЖРИБАЛАР ТАҲЛИЛ ЭТИЛДИ



Онлайн-семинарда Қуролли Кучлар академияси, Чирчиқ олий танк қўмондонлик-муҳандислик билим юрти факультет ва кафедра бошлиқлари Россия Федерацияси Қуролли Кучлари Бош штаби ҳарбий академияси «Давлат ҳарбий хавфсизлиги» курсида олган таҳлили натижалари билан таништирди.

Мудофаа вазирилик олий ҳарбий таълим муассасалари, ҳарбий округлар оператив бошқармаларининг масъул офицерлари, профессор-ўқитувчилар иштирок этган семинарда «Ҳарбий кадрларни тайёрлаш тизимида Россия Федерацияси Қуролли

Кучлари Бош штаби ҳарбий академиясининг ўрни ва асосий вазифалари (қиёсий таҳлил)», «Россия Федерацияси Қуролли Кучлари Бош штаби ҳарбий академияси махсус факультетида хорижий давлатлар ҳарбий хизматчиларини ўқитишни такомиллаштириш тажрибаси» мавзуларидаги маърузалар йиғилганларда катта қизиқиш уйғотди.

Маърузалар сўнгги тадбир иштирокчилари ўзларини қизиқтирган барча саволларга жавоб олди.

Дилшод РЎЗИҚУЛОВ

ПРОФЕССИОНАЛЛАР

МАШҚЛАРДА СИНАЛГАН МАҲОРАТ

«Юртимиз бўйлаб «Ким Ватанга содиқ бўлса, мандирман ўша!» шиори остида «Ватанпарварлик ойлиги» тадбирлари кенг миқёсда ўтказиб келинмоқда.

Ушбу тадбирларда иштирок этаётган ёшлар миллий армиямиз шону шавкати билан бирга, жанговар қудрати ва ҳарбий хизматчиларнинг юксак касбий маҳоратларидан ҳам воқиф бўлишмоқда.

Шарқий ҳарбий округга қарашли подполковник Мирсаид Шукуров командирлик қилаётган ҳарбий қисм ҳарбий хизматчилари дала-ўқув майдонида инновацион амалий ўқ отиш машғулотларини олиб боришди.



Машғулотлар жараёнида ҳарбий хизматчилар гуруҳ ва ўқотар куроллардан нишонларга отиш машқини турли усулларда ҳамда ҳар хил вазиятларда олиб боришди. Бунда ҳар бир ҳарбий хизматчининг индивидуал тайёргарлигига алоҳида эътибор қаратилди. Бўлинма командирлари машғулотлар давомида шахсий таркибнинг нишонларга ўқ отиш бўйича тайёргарлиги ҳамда вазифасига масъулият билан ёндашишига қараб, уларни баҳолаб боришди.

Машқлар мобайнида ҳарбий хизматчиларнинг техникаларда гуруҳ таркибида ҳаракатланиши ва қўйилган жанговар вазифани муваффақиятли бажариш бўйича кўникмалари ҳам синовдан ўтказилди.

Машғулотларда фаол иштирок этган ва вазифани сифатли ҳамда виждонан бажарган ҳарбий хизматчилар машқлар якунида муносиб рағбатлантирилди.

КБҲХ, оддий аскар Аҳрор ДИЛМУРОДОВ, Шарқий ҳарбий округ матбуот хизмати

КУНДУЗИ ВА ТУНДА ҲАМ



Қисқа вақт ичида ҳудудга етиб келган батарея асосий ўқ отиш позицияларни эгаллади. Батарея командири эса нишонларгача бўлган масофани аниқлаш ва оптик кузатиш мосламаларига аниқликлар киритишни бошлади. Тўп ва бўлинмаларни жойлаштиришда ўқ отишни бошқариш ва умумқўшин бўлинмалари билан ўзаро жанговар ҳамкорликни таъминлаб туриш масалаларига алоҳида эътибор қаратилди.

Ўқув давомида умумқўшин бўлинмалари билан шартли душманни кундузи ва тунда ҳам қуршаб олиш ва йўқ қилиш бўйича ўқув-жан-

«Яқиндагина қад ростлаган ва қайта такомиллаштирилган «Нукус» дала-ўқув майдони бугун ҳарбий хизматчиларнинг профессионаллик даражасини юксалтирадиган ва халқаро стандартларга тўлиқ жавоб бера оладиган ўқув марказига айланди. Артиллериячиларнинг навбатдаги амалий машғулоти дала-ўқув майдонининг имкониятларини яна бир бор намоиш этди.

говар вазифалар бажарилди. Тунги вақтда артиллерия батареяси томонидан қўлланилган ёритувчи снарядлар воситасида нишонлар жойлашган ҳудуд ёритилиб, шартли душмanning зирҳли техникаси ва шахсий таркибига талафот етказилди.

Машғулот давомида қўйилган барча топшириқлар бажарилиб, нишонлар яқсон этилди.

Майор Тимур НАРЗИЕВ, Шимоли-ғарбий ҳарбий округ матбуот хизмати бошлиғи



КЎНИКМА

ОФИЦЕРЛИК ОСТОНАСИДАГИ МАҲОРАТ СИНОВИ

“ Курсантлик, талабалик йиллари айрим хато ва камчиликларнинг кечирилишига ёрдам беради. Чунки улар ҳали тўлақонли мутахассис сифатида шаклланди, дегани эмас. Шунинг учун бўлса керак, катта ҳаёт остонасидаги бўлажак офицерлар олий ҳарбий таълим муассасасида тажриба, билим ва кўникмаларини мукаммаллаштириш, мустаҳкамлаш ҳаракатида. Ҳам назарий, ҳам амалий жиҳатдан. «Чирчиқ» дала-ўқув майдонида Т-72 жанговар машинасида тўсиқлар оша ўтар экан, Чирчиқ олий танк қўмондонлик-муҳандислик билим юрти курсантлари ҳам маҳоратларини яна бир бор синовдан ўтказдилар.

Улар шунчаки шаҳар айлангандек полигоннинг бу бошидан нариги чеккасига бориб келишмади. Машғулот иштирокчиларини сувли тўсиқ, йўлакчи кўприк, манёвр қилиш босқичи, қўрғон, эскарп (двигателни ўчирмасдан ва орқага сирпанмасдан ўтилади), танкка қарши чуқур, портловчи мина тўсиғидан ўтиш йўлаги ва тепалик қарши олди. Муҳими, курсантлар барча тўсиқлардан муваффақиятли ўтдилар.

– Танк биатлонда бажариладиган барча тўсиқлар оша ўтишларни бажариб, амалий кўникмамизни оширганмиз. Фақат сувдан ўтишни биринчи марта синаб кўряпмиз. Агар бирор хато қилиб қўйсаг-у сув кириб кетса, мотор ишдан чиқади, снарядни кўтариш механизми ва эслаб қолиш қурилмаси носоз ҳолатга келади, ички ва ташқи алоқа бўлмайди. Уларни тузатса бўлади. Аммо экипаж шахсий таркибига нисбатан йўқолган ишонч тиклаш осон эмас. Шунинг учун ҳар бир хатти-ҳаракатимизни диққат билан бажариб, белгиланган вазифани тўлақонли адо этишга бор куч-қувватимизни сарфлаяпмиз, – дейди курсант Икром Тўраев.

Офицерлик остонасида турган курсантларнинг катта ҳаёт бўсағасидаги ҳаяжонлари, ўй-хаёллари билан қизиқдик.



– Зиммамга жуда катта масъулият юкланётганини, юксак ишонч билдирилаётганини ҳис қилиб турибман. Ана шу эътирофга муносиб бўлишга ҳаракат қиламан. Ҳарбий қисмда хизмат фаолиятимизни бошлаганимизда, бизга жанговар техникалар топширилади, уларни қабул қилиш сир-асрорларини ўзлаштирдим. Устоз офицерлардан 4 йил давомида шахсий таркиб билан ишлаш тажрибаларини ўргандим. Умумҳарбий низомлар ва қоидаларни пухта эгалладик. Яъни ҳарбий хизматга ҳар томонлама таратдуд кўряпмиз. Муҳими, офицер юқори бошқара олиш хусусиятига эга бўлиши керак экан, – дейди курсант Элдор Ҳомидов.

Ҳа, ҳарбий либос кийиш – бир умрлик масъулиятга ўраниш билан баробар. Курсантлар ҳам кийимларни тешиб ўтгудек совуқ ҳавода жанговар техникада сув кечиб, барча тўсиқларни забт этишди. Лекин уларнинг юраги совқотиш ўрнига улуғ сафар – офицерлик фаолияти остонасида алангаланиб, лов-лов ёнарди.

Катта лейтенант Азиз НОРҚУЛОВ,
«Vatanparvar»



ОЧЕРК

ЮРТ ҲИМОЯСИДАГИ ИНСОН

“ Бугун миллий армиямиз сафларида ўз касбининг чин фидойилари, етук мутахассисларини кўплаб учратиш мумкин. Замон билан ҳамнафас яшаётган шундай ҳарбий хизматчилардан бири Тошкент ҳарбий округига қарашли артиллериячилар ҳарбий қисми командири подполковник Акмал Ибрагимовдир.

20 йилдан бери Қуролли Кучларимиз сафида хизмат қилиб келаётган қаҳрамонимиз Андижон вилоятининг Булоқбоши туманида таваллуд топган.

– Менинг ҳарбий хизматга кириб келишим, албатта, оилавий муҳит билан боғлиқ. Бобом Иккинчи жаҳон уруши фахрийси эдилар. Уларнинг орден ва медалларга бурканган ҳарбий либослари менга ўзгача таъсир қилар эди, – дейди қаҳрамонимиз. – Уларни қизиқиб кияр эканман, гўё бошқа одамга айланиб қолишимни ич-ичимдан ҳис қилардим. Ўша ҳис ва ҳавасга бир умр содиқ қолдим. Мақсадим йўлида олға одимлайвердим.

Рухи уйғоқ йигитча 2004 йилда Самарқанд олий ҳарбий автомобиль кўмондонлик-муҳандислик билим юртини тамомлаб, лейтенант унвонини олади. Ўша пайтдаги жўшқинлик, ҳарбий хизматга садоқат ёш офицерни том маънода тоблади. У юртимизнинг қай бурчагида хизмат қилмасин, барчасида билими ва зукколиги, ҳарбий салоҳияти ва матонатини намоеън эта олди. Ўша кезлари Жануби-ғарбий маҳсус ҳарбий округда турли лавозимларда меҳнат қилган қаҳрамонимиз ҳаёт мактабининг мураккаб имтиҳонларидан бирма-бир ўтиб борди.

Доимий интилиш ва қизиқиш уни 2012 йилда Қуролли Кучлар академиясига етаклади. Уқишни муваффақиятли якунлагач, Чирчиқ шаҳридаги ҳарбий қисмда турли лавозимлардан ҳарбий қисм командиригача бўлган катта йўлни босиб ўтди.

Ўтган йиллар мобайнида подполковник Акмал Ибрагимов кўплаб тажрибали устозларидан фаолият сирларини чуқур ўзлаштирди, ўзи ҳам «Устоз-шогирд» аънаналарига мувофиқ, кўплаб ҳарбий хизматчиларга устозлик қилди. Хусусан, жорий йилда унинг раҳбарлигида бир нечта ҳарбий хизматчилар Қу-

ролли Кучлар академиясига ўқишга кирди, бошқалари эса мустақил тадқиқотчи сифатида илмий изланишлар олиб бормоқда.

Подполковник Акмал Ибрагимовнинг бошқарувчанлик салоҳияти, ҳарбий қисмда амалга оширган ислохотлари тезда ўз самарасини бера бошлади. Аввало, ҳарбий қисм замонавий қиёфага эга бўлди, ҳарбий хизматчиларнинг жисмоний ва маънавий салоҳияти кун сайин ўсиб борди. Бунинг яққол исботини шахсий таркибнинг «АрМИ-2020» Халқаро армия ўйинлари, Мудофаа вазирлиги миқёсида ўтказилган «Энг илғор мутахассис» мусобақаси ва турли танловларда эришилган ёрқин ғалабалар мисолида ҳам кўришимиз мумкин.

– Мен 18 йилдан бери ушбу ҳарбий қисмнинг артиллерия бўлимида хизмат қилиб келаман, – дейди I даражали сержант Муҳаммаджон Туропов. – Халқаро армия ўйинларининг Хитой Халқ Республикасида бўлиб ўтган «Қуролсоз уста» йўналишида иштирок этиб, фахрли ўринни қўлга киритдим. Шунингдек, Мудофаа вазирлиги қўшинларида «Мен ғолиб!» шиори остида ўтказилган «Энг илғор мутахассис» Умумармия ўйинларининг «Қуролсоз уста» йўналишида биринчи ўринни қўлга киритдим. Бу ютуқларим замирида Мудофаа вазирлиги, округ ва ҳарбий қисм кўмондонлиги томонидан кўрсатилган ишонч ётади, деб биламан. Айниқса, устозим подполковник Акмал Ибрагимовнинг бу борадаги кўрсатмалари, машғулотлардаги қаттиққўллиги ва талабчанлиги барча ютуқларимда ўз аксини топди. Мен шундай фидойи инсонлар билан Ватан ҳимоясида бир сафда эканимдан фахрланаман.



Ҳарбий хизматчилар билан бўлиб ўтган ўзаро суҳбатларда амин бўлдики, подполковник Акмал Ибрагимов ҳарбий қисм командири сифатида ҳарбий хизматчиларни эркин фикрлашга, ҳар қандай мақсад йўлидаги тўсиқларни ҳамжихатликда енгиб ўтишга ундайди, керакли ўринларда намуна кўрсата олади.

– Асосий вазифам бўлинмаларнинг доимий жанговар шайлиги ва тайёргарлигини назорат қилиш, шахсий таркибга зарурий шарт-шароитларни яратиб бериш, уларнинг ижтимоий ҳимоясини таъминлашдан иборатдир, – дейди у. – Аммо бунга осонликча эришиб бўлмайди. Ҳар бир ҳарбий хизматчи – бу бутун бошли жанговар техниканинг кичик бўлаги. Уларнинг ҳеч бирини эътибордан четда қолдириб бўлмайди. Биз ўтган йиллар мобайнида шахсий таркиб билан бир ёқадан бош чиқариб, кўплаб ютуқларга эришдик. Очиғи, ҳар бир ҳарбий хизматчининг ютуғини ўз ғалабам каби қабул қиламан. Чунки биз қўйилган мақсадларимизга елкама-елка туриб, биргаликда ҳаракат қиламиз. Энг муҳими, эришган муваффақиятларимиз ҳар биримизнинг касбимизга, меҳнатимизга бўлган муносабатларимизни мустаҳкамлаб бормоқда.

Кузатувларимиз давомида ҳарбий қисмдаги қайноқ ҳаётни бетиним чайқалиб турган дарёга менгзагимиз келди. Бу дарёда ҳеч бир кема тинч турмайди. Ҳамма ўз устида ишлайди ва бора-бора муносиб баҳосига эга бўлади. Тинимсиз меҳнат ва эришилган ютуқлар самараси ўларок, подполковник Акмал Ибрагимов жорий йилда мустақиллигимизнинг 29 йиллиги муносабати билан давлатимиз раҳбари томонидан «Мардлик» ордени билан, мудофаа вазирининг III даражали «Намунали хизмати учун» кўкрак нишони билан тақдирланди.

– Ҳали жамоавий ғалабаларимиз, улкан марраларимиз олдинда, – дейди ҳарбий қисм командири фахр билан. – Биз ўз устимизда ҳали кўп ишлаймиз ва Қуролли Кучларимиз сафларини билимли ва ғайратли кадрлар, бир сўз билан айтганда, Ватан ҳимоячиларини етиштириб борамиз. Бу мақсад бизни доим бирлаштиради, куч беради.

Биз ҳарбий қисм фаолиятига омадлар тилаган ҳолда шердил ва фидойи инсонлар ҳаётини ёритишда давом этамиз!

Лейтенант Бобур ЭЛМУРОДОВ,
«Vatanparvar»



ПРЕСС-ТУР

“ Одатда, бирор давлат ёки жамоат ташкилоти томонидан уюштирилладиган пресс-турда журналистлар муайян фаолият бўйича оммани қизиқтирган долзарб саволларга жавоб олиш истагида бўлади. Мудофаа вазирлиги томонидан «Ватанпарварлик ойлиги» доирасида ташкил этилган пресс-турда ҳам ҳарбий мавзунини ёритувчи журналист ва блогерлар қатор саволларни тайёрлагани тайин. Аммо тадбир мезбонлари бунга заррача ўрин қолдирмади. Чунки...

САВОЛЛАРГА ЎРИН ҚОЛМАДИ

Муаллиф суратга олган



Дастлаб пресс-тур иштирокчилари Қуролли Кучлар академиясида яратилган шароит, муҳит ва тартиб-таомиллар билан яқиндан танишиб, курсантлар билан ўтиладиган машғулотларни кузатди. Академия тарихи музейи, кутубхона, ошхона, ётоқхона, спорт майдончаси энг сўнгги русумдаги жиҳозлар билан таъминлангани, умуман, курсантларнинг билим олиши учун барча шароит муҳайё этилганига гувоҳ бўлдилар. Шундан сўнг иштирокчилар Чирчиқ гарнизонида жойлашган ҳарбий қисмга бориб, кейинги йилларда вертолёт авиациясида қўлланиладиган учиш аппаратлари, уларнинг имкониятлари ва техник маълумотлари билан яқиндан танишдилар. Ҳатто, улардан бирида мовий осмон кенгликлари бўйлаб парвоз қилишга муяссар бўлдилар.

– Кейинги йилларда давлатимиз раҳбари ташаббуси билан мамлакатимиз хавфсизлиги ва барқарорлиги, унинг сарҳадлари дахлсизлигини таъминлаш бўйича тактик ва стратегик вазифаларни самарали ҳал этишга қодир бўлган, замонавий, ҳаракатчан, ҳар томонлама яхши қуролланган миллий армияни янада такомиллаштириш бўйича салмоқли ишлар амалга оширилмоқда, – деди мудофаа вазирининг матбуот котиби – ахборот сиёсати масалалари бўйича маслаҳатчиси полковник Баҳром Зулфиқоров. – Айниқса, миллий армиямизни замонавий қурол-яроғ ва техника билан таъминлаш,

стратегик фикрлайдиган, интеллектуал савияси етук офицер кадрлар ва қўмондонлик, шунингдек, сержантлар таркибини тайёрлаш жараёни янгича ўқув-техник ва маънавий-ахлоқий асосда ташкил этилмоқда. Буларнинг барчаси армиямизнинг қиёфаси ва жанговар имкониятларини, ҳарбий жамоалардаги маънавий-ахлоқий муҳитни тубдан ўзгартириш имконини берди. «Ватанпарварлик ойлиги»ни ўтказишдан асосий мақсад юртимизда яшовчи ҳар бир фуқарога ва ҳар бир оилага Ўзбекистон Республикаси Қуролли Кучларининг ўрни ва аҳамиятини етказиш ҳамда халқ ва армия ақдид эканлигини амалда намоён этишга қаратилган.

Юртимиздаги оммавий ахборот воситалари вакиллари билан бир қаторда турли вазирлик ва идораларнинг ахборот хизмати ходимлари иштирок этган пресс-турнинг навбатдаги ва охириги манзили Мудофаа вазирлигининг «Чимён» тоғ тайёргарлиги ўқув-машқлар маркази бўлди. Ушбу баҳаво маскан, қулай инфратузилма, ўқув-моддий базада жанговар тайёргарлик машғулотлари учун аъло даражада яратилган ижтимоий-маиший шароитлар кўпчиликини ҳайратга солди. Бу ерда ҳарбий хизматчилар иштирокида тоғда ҳаракатланиш, қояга кўтарилиш ва тушиш каби реал вазиятга яқинлаштирилган кўргазмали ўқув машқлари ҳамда тоғда ҳаракатланишда зарур бўладиган техникалар намоиши ташкил этилди.

Марказ меҳмонлари тоғли ҳудудда жанговар ўқотар қуроллардан нишонларга ўқ отиш, махсус тоғ тайёргарлиги симуляторида қуролдан отиш, қорда махсус анжомлар билан чанғида ҳаракатланиш, парапланда учиш ва кўниш завқини кўриш, туйиш баробарида унинг масъулиятини ҳам ҳис этди. Қолаверса, пурвқор тоғлар бағрида от спорти билан чиниқаётган чавандозлар тулпори жиловиға «вақтинча эгаллик» қилиб, бир дам сайр этди. Учқур от устидаги оний лаҳзалар суратга муҳрланди.

Пресс-тур сўнгида иштирокчилар юрт ҳимоячиларининг хизмат фаолияти ва яратилган шароитлари бўйича олинган таассуротлари ҳақида ўзаро фикр алмашиб, оммавий ахборот воситалари орқали «Ватанпарварлик ойлиги»да Ўзбекистон Республикаси Қуролли Кучлари ташкил этилганлигининг 29 йиллиги ҳамда Ватан ҳимоячилари кунига бағишланган мақолалар, телелавҳа ва репортажларни тайёрлаш бўйича таклиф ва тавсияларини ўртага ташлади.

Ватан ҳимоячиларининг хизмат фаолиятини оммавий ахборот воситалари орқали кенг ёритиш, она Ватан тақдири ва ҳимояси учун юксак масъулият ва жавобгарлик ҳисси билан фидойилик кўрсатаётган ҳарбий хизматчиларнинг замонамиз қаҳрамонлари сифатидаги қиёфасини ақс эттириш мақсадида ташкил этилган пресс-тур шу тариқа ниҳояланди.

Дилшод РЎЗИҚУЛОВ,
«Vatanparvar»

ЗАРОЖДЕНИЕ И РАЗВИТИЕ ВОИНСКИХ РИТУАЛОВ

до эпохи правления Амира Темура

“ История традиций, обычаев, обрядов, церемоний и ритуалов уходит своими корнями в глубь веков и оказывает огромное влияние на общество, в том числе и на военную службу. Территория Центральной Азии с давних времен была местом, где переплетались и развивались множество вышеуказанных факторов жизнедеятельности общества.

В VI веке до н.э. юг Центральной Азии был завоеван царем Киром II, основателем персидской державы Ахеменидов. На протяжении двухсот лет данная территория входила в состав Ахеменидской империи и была разделена на три сатрапии – Бактрия, Согд, Хорезм, которые были первыми древнейшими государствами.

По традиции и ритуалам во время боя персидские полководцы руководили армией, находясь в центре войска. Каждый отряд имел боевое знамя, с каким-либо изображением. Основное знамя персидской армии было украшено изображением золотого орла, символом рода Ахеменидов. Это может являться свидетельством того, что уже с древних времен особое значение придавалось вопросу поднятия морально-боевого духа воинов посредством боевых знамен.

Еще одним из воинских ритуалов было проведение смотров. Царь каждый год проводил смотры войска, а следить за состоянием войск в провинциях он поручал сатрапам. Смотры проводились, чтобы армия была в постоянной боевой готовности и с целью повышения боевого духа. Если войска находились в должном состоянии, царь награждал их, если нет – жестоко карал.

В персидской армии также активно практиковалось проведение парадов. Парады демонстрируют военную мощь страны, заставляя потенциального противника содрогнуться в ужасе.

Кроме того, персы важное значение придавали вопросам принятия присяги. Персы назначали командующих тысяч и десятков тысяч, которые клялись на верность царю непосредственно перед ним, а те в свою очередь командиров десятков и сотен.

Религия также находило свое отражение на деятельности персидской армии. Зороастризм стал госу-

дарственной религией трёх империй – Ахеменидов, Персов и Сасанидов, а его исповедование распространялась почти тринадцать веков с IV века до н.э. до VII века н.э. и господствовал на Ближнем Востоке.

Важное значение имели торжественные церемонии и праздники, связанные с временами года, празднование Навруза (Нового года), шести гаханбаров, культ предков, почитание священного напитка хаомы, различные молитвы, обряды очищения, приобщения подростков к зороастрийской вере (надевание священного пояса «кушти»). Ритуал на подобии данной традиции со священным поясом также осуществлялся в армии, когда принимали в строй новобранца.

В III-IV веках до н.э. Центральную Азию завоевывали македонцы во главе с Александром Македонским, военные реформы которого были одним из важных направлений его политики.

В армии Македонского в большей степени уделялось внимание обряду воинского посвящения новобранцев, проведению пафосных парадов и жертвоприношению в честь различных богов перед походами и боевыми действиями.

После взятия города Тир Александр устроил жертвоприношение Гераклу, затем перед царем торжественным маршем прошла македонская армия в полном вооружении. В параде принял участие и флот.

Раз в год в Македонии проходил также общевойсковой смотр, приуроченный к религиозному празднику. Само действие напоминало некий обряд очищения: «голову разрубленной надвое собаки вместе с передней частью туловища кладут по правую сторону дороги, а заднюю часть с внутренностями – по левую. Между половинами жертвенного животного проводят вооруженное войско». Кроме того, военные традиции Македонии подразумевали обязательное присутствие на поле боя царя, с тем чтобы укрепить волю солдат к победе.

В VII-VIII веках в Центральную Азию врывается многотысячная армия арабского халифата. Их главной целью было – распространение религии – Ислам, а также увеличение своих земель.

Большое внимание арабы уделяли воспитанию боевых качеств воина также посредством охоты, которую они рассматривали в качестве традиций и ритуалов.

В качестве древнего зародыша одного из современных воинских ритуалов по организации подъема и отбоя по сигналу можно отметить следующее. В ходе своих походов арабское войско делало привалы по сигналу трубы и по сигналу же отправлялись снова в путь.

Монгольская армия XIII века вне сомнения являлась наилучшей военной организацией мира в этот



период. Исторически монгольская армия и военное искусство следовали древним традициям военного дела степных кочевников. При Чингизхане монголы довели древние стереотипы до совершенства.

Служба в войсках и обязанности начальников регулировались на основании твердого военного законодательства. В войсках установлена строжайшая дисциплина. Должностные лица и начальники, нарушающие долг службы или не являющиеся по требованию хана, подлежат смерти.

Глава каждого подразделения получал нагрудный знак своего ранга. Чингизхан награждал некоторых из своих ближайших сподвижников правом носить колчан, лук и стрелы.

Следует привести несколько изречений из Билика, заключающих в себе все наставления, данные Чингизханом военным начальникам:

- всякий, кто может вести верно дом свой, может вести и владение; всякий, кто может устроить десять человек согласно условию, дать тому тысячу;
- ко времени начала похода каждый воин получает оружие из рук начальника, которому он подчинен. Он обязан содержать его в исправности и перед сражением предъявлять на смотр своему начальнику;
- если кто-нибудь в битве, атакуя или отступая, обронит свой вьюк, лук или что-нибудь из багажа, находящийся сзади его должен сойти с коня и возвратить владельцу упавшее; если он не сойдет с коня и не возвратит упавшее, то предается смерти;
- он предписал солдат наказывать за небрежность, охотников, упустивших зверей в облаве, подвергать наказанию палками, иногда и смертной казни;
- все воеводы обязаны делать лично осмотр войску и вооружению до выступления в поход, представлять им все, с чем воин совершает походы, и осматривать все до иголки и нитки. Если у воина не оказалось какой-либо нужной вещи, начальник должен наказать его;
- должностные лица и начальники, нарушающие долг службы или не являющиеся по требованию хана, подлежат смерти.

Таким образом, анализ исторических аспектов формирования на территории Центральной Азии воинских ритуалов может свидетельствовать, что они являются в определенной степени воплощением всех традиций, обычаев, быта и религии различных народностей, обществ и государств, которые издревле проживали в данном регионе.

Безусловно, воинские ритуалы играли огромную роль в морально-боевом и психологическом состоянии каждого воина и войск в целом, способствовали тем самым достигать поставленных перед ними задач, реализовывать различного рода цели по завоеванию новых территорий или защите своих земель.

Шухратжон ШАКИРОВ,
Специализированный филиал ТГЮУ



КЕЛИНГ, КИТОБ ЎҚИЙМИЗ

«ҚАЙТГАНИМДА УЙДА БЎЛ...»



«Китоб дўконда Элчин Сафарлининг китоблари она тилимизда ҳам, рус тилида ҳам мавжудлиги мени ҳайрон қолдирди. Қанақа адиб экан? Китоблари кўп ўқилади, шекилли. Олсамми, олмасамми? Муқоваси... унчалик эмас, ўзига тортмайди. Жўн бир севги тарихи бўлса керак. Нархи ҳам қиммат экан. «Арзоннинг шўрваси татимас, қиммат ҳикматсиз бўлмас». Варақлаб кўрай-чи...

«Бизнинг барчамиз ким-қачонлардир шўртоб сувликдан ёруғ дунёга қадам қўйганмиз, зеро, денгиз ҳаётнинг бешиги ҳисобланади.

Энди бизлар усиз яшай олмаймиз. Фақат, энди тузни алоҳида тановул қиламиз ва чучук сувни ҳам алоҳида ичамиз. Бизнинг лимфа тугунларимиз худди денгиз сувиникидек тузли таркибга эга. Биз денгиздан ким-қачонлардир ажралиб кетган бўлсак-да, у ҳамон ҳар биримизнинг вужудимизда яшайди.

Энг қакроқ саҳронинг ичкарисида яшайдиган одам ҳам ўзи сезмаган ҳолда қонидан денгизни олиб юради.

Балки, шунданми, одамлар денгизнинг бетиним мавжларини кўргиси, уларнинг абадий ғалаёнини эшитгиси келавради.

Бу товуш том маънода уларнинг кўҳна ватани садоси, қоннинг чорловидир.

Виктор Конецкий»

Жуда таниш туйғу. Умримда Амударёдан бошқа катта дарёни кўрмаганман, Сирдарёнинг тўлиб оққанини ҳеч кўрмадим, болалигим ўтган гўшаларда кўклам чоғи лойланиб оққан дарёларни кўрдим, оппоқ сувли сойларни ҳам кўрганман. Аммо ҳали денгизни бир марта ҳам кўрмадим. Жуда кўргим келди, аслида сувнинг қаттиқроқ шовуллаши юрагимга ваҳима солади, бироқ бу мени денгизни бир марта бўлса ҳам кўриш истагидан қайтара олмайди. Бир кўрсам эди... Бир мартагина бўлса ҳам кўрсам эди.

Чалғияпман, озарбойжон адиби Элчин Сафарлининг «Қайтганимда уйда бўл... ёхуд бахт ва айрилиқ битигими тақдирнинг?» китоби ҳақида гапираётганим.

Бу китоб... Мени жуда мутаассир этди. Нимадан бошлашни билмаяпман. Айтмоқчи бўлган гапларим шу қадар кўп...

Соғинч, о, соғинч... Сиз унинг нималигини биласизми?!

...Ўн икки ёшларда эдим. Қўшни аёлнинг дамга айтаётган гапларини эшитиб қолдим. «Айнан Муҳаббатхоннинг ўзи-я, Янгийўл бозорида юзма-юз келиб қолсам денг...» Тамом. Бошқа сўзлар қулоғимга кирмади. Демак, ойим тирик. Янгийўл деган шаҳарда экан. Бу шаҳар Тошкентдан узоқ эмас. Эртаси куни эрталаб сумкамни олиб мактабга эмас, вокзалдан автобусга ўтириб, Янгийўл шаҳрига кетдим. Кечгача шаҳарда тентидим, ойимни излаб... Тополмадим. Эзилиб, ҳориб уйга қайтдим. Яна бир неча марта бордим Янгийўлга. Зора, мени кўриб қолса, Мукамбархон дея ажабланиб, ортимдан чақирса, севинчдан чопиб борсам, чопиблар борсам... Вафот этганига кўника олмасдим. Соғинардим... Қаттиқ соғинардим...

Бу ҳаммага дардини дастурхон қилавермайди-ган, сиртдан бега, беташвиш кўринадиган улкан қалбли ҳамкасбим Мукамбар опанинг ҳикояси.

Яна чалғидим. Мен Элчин Сафарлининг «Қайтганимда уйда бўл...» китоби ҳақида гапираётганим.

Бу китоб... Ота-қиз муҳаббати, яъни МЕҲҲ



ҳақида. Сиз ота меҳри нима эканлигини биласизми?! Уни ҳис қилганмисиз?

...Отамнинг тиззаларида ўтириб эркаланмадим, чиройли юзларига юзимни босмадим, қўлларидан тутган лаҳзаларни буюк марҳамат билиб, дунёларга сиғмас бўлиб севиндим. Мен уни беҳад севардим. Борлигининг ўзи адоқсиз меҳрим, севгим учун етарли эди. Отам борлиги учун мен ўзимни мустаҳкам кўрғонда ҳимоялангандек сезардим, ҳеч нарсадан кўрқмасдим, ҳадик, хавотирлар менга бегона эди. Олам яхшилиққа, ёруғлиққа, қувончга тўла эди. Аммо... бу мустаҳкам қоя бағрида узоқ қолиб бўлмайди. Тақдирнинг кутилмаган синовлари... Мен нажот истадим отамдан қалбим оғриқларига. Унга дардларимни тўкиб сола олмасдим, бунга ўрганмаганим. Аммо унинг ёнига бордим, сир бой бермадим. У эса бир қарашдаёқ ҳаммасини тушунди. Ҳеч сўз демай, бағрига босди. Айни шу лаҳзада чап кўксидан отилиб чиққан ингроқ... Оҳ-оҳ... бу ингроқ юрагимни ўтдек куйдирди, йиллар ўтса-да жаранги қулоқларимдан кетмайди, айбдорлик ҳиссидан эзиламан, нега авайламадим, нега зада юрак билан унга интилдим? Бахтли дамлар ҳам бўлган эди-ку? Нега ўша пайтларда отам ёдимга тушмади... Уу-ўў, у мени қанчалар севарди... Чалғиб кетдим. Мен Элчин Сафарлининг

мадим. У эса бир қарашдаёқ ҳаммасини тушунди. Ҳеч сўз демай, бағрига босди. Айни шу лаҳзада чап кўксидан отилиб чиққан ингроқ... Оҳ-оҳ... бу ингроқ юрагимни ўтдек куйдирди, йиллар ўтса-да жаранги қулоқларимдан кетмайди, айбдорлик ҳиссидан эзиламан, нега авайламадим, нега зада юрак билан унга интилдим? Бахтли дамлар ҳам бўлган эди-ку? Нега ўша пайтларда отам ёдимга тушмади... Уу-ўў, у мени қанчалар севарди... Чалғиб кетдим. Мен Элчин Сафарлининг

Бадний илтибос

Ўзгалар фикридан чўчиманг. Таваккал қилинг-да, кўнглингиз истаган ишни қилинг. Хато қилиш – ҳаммамизга хос. Пауло Коэльонинг «Алиф» асаридан.

«Қайтганимда уйда бўл...» китоби ҳақида гапираётганим.

Бу китоб... Унда Абадий қиш шаҳри бор. Бу шаҳар айрилиқнинг, ҳижроннинг номи бўлса керак... Келинг, бу китоб, бу асар ҳақида гаплашмайлик. Ундаги туйғуларни гапириб англашиб бўлмайди. Кўпдан бундай асарни ўқимаган эдим. Муталаадан бош кўтарганимда, қалбимда кўклам ёмғиридан сўнг порлаган офтоб тафтини, ёрқин нурларни ҳис қилдим. Ёмғир шундай тозартувчи-да!

Ортиқ сўз айтмоқчи эмасман. Асардан айрим парчаларни эътиборингизга ҳавола этаман.

«Қоронғи тунлар ва уммоннинг қоп-қора сувини ёқтирмайман, Досту, улар сенга бўлган соғинчимни кучайтириб юборади».

«Қушлар, биз одамларга туюлганидек, мутлақо эркин ва озод. Улар бизга ўхшаб дардларини эслатадиган жойларга боролмай ўтиришмайди...»

«Одамларга жуда кўп нарсалар шунчаки текин берилади. Улар эса ҳақиқий гўзалликни қадрлаш ўрнига унинг қиймати ва тўлови устида бош қо-

тиради. Умр дея аталмиш неъмат ўтиб бораётган лаҳзадан лаззатланиш ўрнига қора кунларига йиғинади...

Сени соғиндим!»

«Досту қизим, ўтмиш ва келажак бугундан кўра аҳамиятлироқ эмас. Бу дунё сўфийларнинг маросим рақси ҳисобланган семага монанд: бир қўл кафти билан дуо талабида осмонга қараган бўлса, бошқаси олганини баҳам кўриш учун ерга қараган ҳолда.

Ҳамма гапираётганида сукут сақла. Сўзларинг севги ҳақида жарангласа ҳам, жарангига кўзёшларинг ҳамроҳлик қилса ҳам гапир! Енингдагиларни кечира олишни ўрган, шунда ўзинг ҳам кечирилишга муяссар бўласан. Шошқалоқлик қилма, аммо қайиғинг қаёққа сузаётганлигини ҳам эсдан чиқарма. Балки, у йўлдан адашгандир? Соғинч билан...»

«Менинг умидсизлигим нима ҳақида? Улар кўп ва турлича. Ота-онамни тортиб олган уруш аламинни келтиради. Беғубор ва беайб гўдақларнинг ўлими ва очликка гирифторлиги-чи? Бир лаҳзада катта бўлиб қолган болалар. Келажакда фақат ўтмиш соясига дуч келган ўспиринлар. Узи учун эмас, уни кутаётганлар учун жонини асраб, жанг қилган катталар...»

Оила деб аталмиш кўрғоннинг не-не иморатлари ёнди. Уйларга қўшилиб ёниб кетган китобларни айтмай қўяқолай. Китоб эмас, адабиёт, тарих ёнди. Эҳ, ўз ҳатоларидан хулоса чиқара олмаган инсоният... Ўз тафтини бошқалар билан баҳам кўришни бас қилганча ўзларини танҳоликка банди этган одамлар ҳақида ўйлайман. Урушнинг асрлар давомида тикланмас асоратлари ҳақида...»

«Одамлар ер юзига бир мақсад – севишни ўрганиш, меҳрни ҳис этиш учун келишади. Итлар бунга туғилганлариданоқ билишади, шунинг учун камроқ яшайдилар».

«Юрак товушимнинг жарангида сенинг исминг бор...»

Даданг».

«Бир куни шундай одамни учратасанки, унинг кўзларидан сенга тақдир қараб туради...»

«Мен осмоннинг оппоқ кезувчилари бўлмиш булутларга ошиқ бўлиб қолганимда олти ёшларда эдим: мактабга кетаётиб, қуёш нури бир уюм булут хирмони орасидан ёриб ўтаётганини кўриб қолдим. Булут хирмони менга ғоз пати тўлдирилган момик ёстиқни эслатарди.

«Булутларнинг устида ётса ҳам бўларкан...»

«Одам тўқис муҳаббатни бера олмайди. Шунинг учун ҳам у одам. Бу бизнинг тана қувватимиздан ўзга нарса, руҳиятимиз билан чамбарчас боғлиқ. Мен кўлимдан келганича сева оламан. Ўзим олишни хоҳлаган нарсани бера оламан!»

«Досту, иккинчи ҳафтадирки, қор ёғяпти. Бешовқин, тўхтовсиз. Худди тўхтамайдиган оқ марсиядек».

«У қизининг бу дунёда йўқлигига ишонмасди. Унинг юраги бошқа бировни қизи билан адаштириб қўйганида тўхтаб қолган...»

«Ганс ва Досту ҳозир биргалигини ўйлаганимда тинчланаман. Энди уларнинг орасида масофа йўқ. Соғинишлар, оғриқлар, вақтинг ер қонунлари йўқ. Улар биргалиқда мен билан ёнма-ён. Улар соҳил бўйлаб кўзга кўринмас тарзда ёнимда бо-ришмоқда. Уларни фақат қалб билангина кўриш мумкин».

Инобат ИБРОҲИМОВА,
«Vatanparvar»

АНЖУМАН

«КИМ ВАТАНГА СОДИҚ БЎЛСА, МЕНДИРМАН ЎША!»



КУРСАНТЛАР САРКАРДАЛАР СИЙМОСИДА

«Қуролли Кучлар академиясида «Мен Жалолiddин Мангуберди ва Амир Темур каби буюк саркардалар авлодиман!» мавзусида илмий-маърифий конференция ўтказилди.

Унда Қуролли Кучлар академияси вакиллари, Ўзбекистон Республикаси Президенти ҳузуридаги Давлат бошқаруви академияси ҳамда Алишер Навоий номидаги Тошкент давлат ўзбек тили ва адабиёти университети профессор-ўқитувчиларининг маърузалари ҳам тингланди. Уларнинг аксарияти кўпчиликка маълум бўлмаган қизиқарли воқеа ва маълумотлар билан бойитилганди. Буюк саркардалар ҳақида янги маълумотга эга бўлган курсантлар ўзларини қизиқтирган бошқа саволларга ҳам тарихчи олимлардан батафсил жавоб олдилар.

Тадбир сўнггида Чирчиқ олий танк қўмондонлик-муҳандислик билим юрти курсантларининг тарихий либослар кийиб, саҳнада улўғ бобокалонларимиз сиймосини яратгани кўпчиликнинг олқишига сазовор бўлди. Бу уларнинг қонида жўш ураётган аждодлар шижоатидан дарак берарди. Видеомулоқот тарзида ўтказилган ушбу тадбирда бошқа олий ҳарбий таълим муассасаларининг курсантлари ҳам буюк саркардаларга нақадар муносиб эканликларини онлайн намойиш қилдилар.



Муаллиф суратга олган

Ҳусниябону ЖЎРАЕВА

ДАВЛАТ СИЁСАТИ – АМАЛДА

ЁШЛАР УЧУН МАЗМУНЛИ КУН



«Ёшларни ватанпарварлик руҳида тарбиялаш, уларнинг дунёқарашини янада кенгайтириш мақсадида республикаимиз бўйлаб ватанпарварлик руҳидаги учрашув ва тадбирлар бўлиб ўтмоқда.



Каттақўрғон гарнизонида жойлашган ҳарбий қисм ўқувчи ёшларни ҳамisha ўз бағрига чорлаб келади. Бу ташрифлар, албатта, бежиз кетмайди. Чунки мазкур даргоҳга келган ҳар бир ёш авлод қалбида она Ватанга муҳаббат, юртга садоқат туйғулари яна бир бор бўй кўрсатади.

Ҳарбий қисмда «Ким Ватанга содиқ бўлса, мендирман ўша!» шиори остида шаҳардаги мактаб ўқувчилари учун очик эшиклар куни ташкил этилди.

Дастлаб саф майдонида давлатимиз мадҳияси жўрлигида мамлакатимиз ва Мудофаа вазирлигининг байроқлари кўтарилди. Шундан сўнг ҳарбий қисм ва таълим даргоҳлари вакиллари бу каби тадбирларнинг ёшлар тарбияси ҳамда ҳарбий-ватанпарварлик тарғиботидаги аҳамияти ҳақида сўз юртди.

Ўқув нуқталарида ўқувчилар, шунингдек, сафарбарлик чақирuvi резерви батальони оддий аскарлари учун ташкил этилган ҳарбий техникалар ва қурол-аслаҳалар кўргазмаси уларда улкан таассурот қолдирди. Унда ёшлар Ватан ҳимоячиларининг шарафли касби, машаққати ва масъулиятини юракдан туйгани рост.

Юзаки қаралса, юртимиз бўйлаб ташкил этилаётган очик эшиклар куни доирасида бўлиб ўтаётган кўргазмаларда бир хиллик

кўзга ташланиши мумкин. Лекин мазмун-мундарижасига кўра буларнинг бари бир-бирдан буткул фарқ қилади. Мисол учун, бу галги қурол-аслаҳалар кўргазмасида ҳарбий хизматчилар ўқувчи-ёшларга уларнинг ишлатилиш тартиби ҳақида содда ва дастлабки тушунчалар берди. Бу ҳақда Каттақўрғон шаҳар касб-ҳунар мактаби ўқувчиси Бобуржон Нарзуллаев шундай дейди:

– Киноларда кўраимиз: рақиб иккинчи томонга қурол ўқталиб турганида ҳимояланаётган рақиб унинг қўлидаги пистолетни маҳорат билан олиб қўяди. Бундай бўлиши мумкин эмас-э, деб ўйлардим ўшанда. Лекин бугун ҳарбий акаларимиз бунинг имкони борлигини кўрсатиб беришди. Вақти келса, оддий «лопата» ҳам талафот етказувчи қуролга айланар экан. Қойил!

Ўқувчилар, шунингдек, артиллерия бригадасининг тарихий музейида ҳам бўлиб, у ердаги экспонатларни кўздан кечирди. Кўп сонли китоб фондига эга бўлган ҳарбий қисм кутубхонаси ҳам ёшларга манзур бўлди. Айниқса, ётоқхоналарда яратилган шарт-шароит меҳмонларда катта таассурот қолдирди. Бир сўз билан айтганда, кун ёшлар учун мазмунли ўтди.

Лейтенант Ислонжон ҚўЧҚОРОВ,
«Vatanparvar»

САЁХАТ

«Пойтахтимизда барпо этилган «Ғалаба боғи» ёдгорлик мажмуаси ва «Шон-шараф» музейи халқимизнинг сеvimли гўшаларидан бирига айланиб улгурган. Бу ерга қадам ранжида қилганлар аввало тарих билан юзлашади, тинчлик қадри, ҳурлик бағридаги фаровон ҳаёт қай даражада қадри ва улўғ эканлигини ҳис қилишади.

ЎҚУВЧИЛАР «ШОН-ШАРАФ» МУЗЕЙИДА

Мирзо Улуғбек туманидаги 205 ҳамда 64-умумтаълим мактаби ўқувчилари ҳам мана шу қутлуғ гўшаларга ташриф буюришди. Қуролли Кучлар академияси ташаббуси билан амалга оширилган бу ўзига хос экскурсия ўқувчиларда катта таассурот қолдирди. Улар Иккинчи жаҳон уруши давридаги суронли йиллар, фронт ва фронт ортида халқимиз кўрсатган мислсиз жасорат ҳақида кўп-лаб қизиқарли маълумотларга эга бўлишди. Ўзларини қизиқтирган саволларга жавоб олишди.

Зулфия ЮНУСОВА



Баҳром АБДУРАҲИМОВ

МАЪРИФАТ

«КИМ ВАТАНГА СОДИҚ БЎЛСА, МЕНДИРМАН ЎША!»

Юнусобод туманидаги 220-умумтаълим мактабида Мудофаа вазирлиги Тарбиявий ва мафкуравий ишлар бош бошқармаси ташаббуси билан маданий-маърифий тадбир ўтказилди.

«Ким Ватанга содиқ бўлса, мендирман ўша!» шиори остида «Мард, жасур ва садоқатли ватанпарварларни тарбиялаш – мактабдан бошланади!» мавзусида ташкил этилган маданий-маърифий тадбирда Мудофаа вазирлиги тарбиявий ва мафкуравий ишлар бош бошқармаси масъул офицерлари, Юнусобод тумани фахрийлар кенгаши раиси Нуриддин Бўриев иштирок этди. Сўзга чиққанлар ёшларни ватанпарварлик руҳида тарбиялаш бўйича вазирлик ҳарбий хизматчилари томонидан олиб борилаётган ишлар хусусида тўхталиб, ўқувчи ёшларни қизиқтирган саволларга жавоб беришди.



Тадбирда Қуролли Кучлар Марказий ашула ва рақс ансамбли жамоаси ўзининг байрамона концерт дастурини намойиш этди.

Подполковник Сардорбек АБДУСАМАТОВ, Тарбиявий ва мафкуравий ишлар бош бошқармаси катта офицери

ЭКСКУРСИЯ

Ҳаво ҳужумидан мудофаа қўшинлари ва Ҳарбий ҳаво кучларига қарашли Чирчиқ гарнизонида жойлашган ҳарбий қисм шахсий таркиби томонидан «Маънавий юксалиш ва ватанпарварлик кунини»да «Ким Ватанга содиқ бўлса, мендирман ўша!» шиори остида «Маънавият кунини, маънавият ўчоғини» мавзусида шахсий таркиб билан Алишер Навоий номидаги Ўзбекистон миллий кутубхонасига экскурсия уюштирилди.

ЗИЁ МАСКАНИДА

Экскурсия давомида кутубхона ходимлари томонидан ҳарбий хизматчиларга Ўзбекистон миллий кутубхонасининг яратилиш тарихи ва ҳозирги кундаги фаолияти, шунингдек, ундаги нодир китоблар тўғрисидаги қизиқарли маълумотлар етказилди.

Ташриф давомида ҳарбий хизматчилар Миллий кутубхонанинг маълумотлар базаси, кўргазмалар зали, китоб музейи, «Алишер Навоий», «Ўзбекистон», «Адолат», «Электрон каталоглар», «Тафаккур», «Ижод», «Кашфиёт», «Жаҳон», «Илм» ва бошқа заллар билан таниш-



дилар. Таништирув давомида кутубхона ходими томонидан ҳар бир залнинг ўзига хос жиҳатлари, уларда сақланаётган китобларни кадр-қимматининг инсон камолотида тутган ўрни каби маълумотлар тақдим қилинди.

Майор Улғубек ПАНЖИЕВ

«МЕҲР ҚОЛУР...»

БУ ОДДИЙ ҚУВОНЧ ЭМАС

Яқинда Республика махсус комиссиясининг қарори билан вазирлик, идоралар, давлат улуши бўлган корхоналар ва бошқа ташкилотларга турли хил корпоратив байрам тадбирлари ташкил этиш тақиқланди. Тежаб қолинган маблағларни эса таълим, соғлиқни сақлаш, меҳрибонлик уйлари ва бошқа ижтимоий соҳаларга йўналтириш тавсия этилган эди.

Каттақўрғон шаҳридаги 5-ёрдамчи махсус мактаб интернатида 186 нафар тарбияланувчи бор. Уларнинг бари меҳрга, эътиборга ташна. Каттақўрғон гарнизонида жойлашган ҳарбий қисм шахсий таркиби мазкур интернат тарбияланувчилари ҳолидан мунтазам равишда хабар олиб туради.

Бу галги ташриф ҳам болажонлар ва мактаб жамоасига катта қувонч бера олди. Ҳарбий қисм командири подполковник Фирдавс Умаров бошчилигидаги Ватан ҳимоячилари улар учун ажойиб дастур уюштиришди. Ҳарбий қисм оркестр жамоаси томонидан ижро



этилган куй ва қўшиқларга йиғилганлар рақсга тушиб кетди. Ўқувчилар ҳам ҳарбий хизматчиларга ўзларининг шеър ва қўшиқларидан айтиб беришди. Интернат тарбияланувчилари учун аталган байрам совғалари мурғак қалбларга қувонч бера олди.

– Шаҳримиздаги ҳарбийлар мактаб интернатимизга кеча ё бугун келиб тургани йўқ. Уларнинг «бир оёғи шу ерда», – дейди муассаса директори Шухрат Муҳиддинов. – Тагин ҳар сафар совға-саломлар, мактабимизга керак бўладиган турли хил буюмлар билан кириб келишади. Болажонларимиз ҳам ҳарбийларимизни кўриб, кўзлари қувнаб кетади.

Ҳа, муқаддас она Ватан ҳимояси йўлида камарбаста ҳарбийлар нафақат ўз хизмат вазифаларини бажармоқда, балки ватандошлари-

миз кўнглига ҳам мана шундай қувонч бера оляпти. Бу оддий ёки ҳар кунини ҳам учратиш мумкин бўлмаган қувонч...

И. НУРАЛИЕВ



СЕМИНАР

БУЮК АЖДОДЛАР МЕРОСИ

« Ҳаво ҳужумидан мудофаа қўшинлари ва Ҳарбий ҳаво кучлари қўмондонлигига қарашли Сурхондарё вилоятида жойлашган ҳарбий қисмлар томонидан семинар машғулоти ўтказилди.



Имом Термизий халқаро илмий-тадқиқот марказида «Буюк аجدодлар меросини ўрганиш соати» ҳамда «Ватанпарварлик ойлиги» доирасида ўтказилган семинарда «Имом Термизий ҳаёти, ижоди, фаолияти ва дунё тамаддунига қўшган ҳиссаси» мавзусида марказ директори, фалсафа фанлари доктори Шукр Умаров ва манбашунос олим Жўрабек Чутматовларнинг маърузалари тингланди.

Тадбирда иштирок этган ўқувчи ёшлар, ҳарбий хизматчилар ва уларнинг оила аъзолари ўзларини қизиқтирган саволларга жавоб олишди.

Майор Матёқуб НАЗАРОВ

«ВАТАНПАРВАР» ТАШКИЛОТЛАРИДА

ЁШЛАР КАМОЛОТИ
ЙЎЛИДА

« Ўзбекистон мудофаасига кўмаклашувчи «Ватанпарвар» ташкилотининг Самарқанд вилояти кенгаши тасарруфидаги Нуробод тумани ўқув-спорт техника клуби томонидан тумандаги 1-сонли касб-ҳунар мактабида маънавий-маърифий тадбир бўлиб ўтди.

Туман мудофаа ишлари бўлими, Ўзбекистон ёшлар иттифоқи ҳамда Республика маънавият тарғибот маркази туман бўлимлари билан ҳамкорликда ўтказилган тадбирда ҳарбий хизматчилар ва меҳнат фахрийлари иштирок этди.

– «Ватанпарварлик ойлиги» доирасида ўтказилаётган бундай тадбирлар ёшларнинг қалбида она Ватанга муҳаббат, ватанпарварлик туйғуларини шакллантиради, – дейди туман ЎСТК бошлиғи Ҳошимжон Қобулов. – Бу эса, ўз навбатида ёшлар камолотида алоҳида ўринга эга.

Таъкидлаш жоизки, Нуробод тумани ўқув-спорт техника клубида касб мутахассисларини тайёрлаш, спортнинг техник ва амалий турларини ривожлантириш борасида ҳам муайян ишлар амалга оширилмоқда. Ўз поёнига етаётган 2020 йилда «В», «ВС» тоифали ҳайдовчилар тайёрлаш режаси бажарилди. Ҳаво милтигидан ўқ отиш секциясида фаолият юритаётган ёшлар турли мусобақаларда фаол иштирок этиб, фахрли ўринларни қўлга киритмоқда.

Ана шундай муваффақиятларда туман ЎСТК жамоасининг замон талабларига мос фаолияти, шунингдек, уларни ҳар томонлама қўллаб-қувватлаб, эзгу иш ҳамда ташаббусларга бош-қош бўлаётган клуб раҳбариятининг хизматлари алоҳида ўрин тутди.


Акбар АЛЛАМУРОДОВ

«КИМ ВАТАНГА СОДИҚ БЎЛСА, МЕНДИРМАН ЎША!»

ҲАРБИЙ-ВАТАНПАРВАРЛИК



« Ҳаво ҳужумидан мудофаа қўшинлари ва Ҳарбий ҳаво кучларига қарашли Чирчиқ гарнизонида жойлашган ҳарбий қисмлар шахсий таркиби «Ватанпарварлик ойлиги» доирасида Бўстонлик туманидаги 12-умумтаълим мактаби ўқувчилари билан «Ватанпарварлик – мактабдан бошланади» мавзусида давра суҳбати ўтказилди.

КИЧИК КОМАНДИР
МАКТАБ МЕҲМОНИ

Ушбу мактабнинг собиқ ўқувчиси, ҳозирда юрт олдидаги йигитлик бурчини шараф билан ўтаб келаётган кичик сержант Зафар Тулаковга жанговар ва маънавий-маърифий тайёргарликда эришган ютуқлари учун устозлари иштирокида Мудофаа вазирининг III даражали «Намунали хизмати учун» кўкрак нишони тантанали равишда топширилди.

Бу каби тадбирлар ёш авлодни ватанпарварлик руҳида тарбиялаш, ҳарбий хизматчи бўлиш нечоғли шарафли касб эканлигини англаб етишга катта замин яратади.

Ўз мухбиримиз

ТОНГГИ ШОДИЁНА

« Қуролли Кучлар академияси офицер ва сержантлари, курсантлар бу гал 5 минг қадам пиёда юриш ташаббуси билан чикдилар. Улар тонгги 6:00 да ҳарбий оркестр садолари остида байроқларимизни ҳилпиратиб юришни бошлашди. Бу пайтда кўпчилик ширин туш кўраётган палла бўлса, ажаб эмас.



Шу кунларда энг узун тунларни ўтказяпмиз. Бирпасда қоронғу тушиб, тонг ёришишигача кетадиган фурсатдан унумли фойдаланадиганлар ҳам бисёр, албатта. Шулар қаторида пойтахт кўчаларини тўлдириб кетаётган академия шахсий таркибига кўзи тушган ҳар қандай одамнинг кўнгли ёришиши шубҳасиз. Чунки улар ушбу марафонни катта бир шодиёнадек ўтказдилар.

– Пиёда юрган одам соғлом бўлади, бу кайфиятнинг кўтарилишига ҳам ёрдам беради. Таълим муассасамизда илм ўрганиш, жанговар ва жисмоний тайёргарликни биргаликда олиб боришга ҳаракат қилияпмиз. Ҳамжихатликда уюштирилган ушбу марафон бизга куч-қувват бағишлади. Барчанинг бирдек қадам ташлаши, мақсадларимизнинг муштараклигидан дарак берарди, – дейди курсант Азизбек Исомиддинов.

А. ҲОТАМОВ



ВАТАНПАРВАРЛИК СОАТИ

ХАЛҚ БИЛАН БЎЛ, ХАЛҚ ИЧИНДА БЎЛ!

«Мудофаа вазирлиги Тоифаланган объектларни қўриқлаш қўшинлари қўмондонлиги ҳарбий қисмларидан бирининг тарғибот гуруҳи томонидан Юнусобод туманидаги 53-умумтаълим мактабида «Армия ва ёшлар» мавзусида ватанпарварлик соати ўтказилди.

Машғулот давомида жанговар хизмат фаолиятида кўплаб муваффақиятларга эришган намунали ҳарбий хизматчилар томонидан ўқувчи ёшларга ҳарбий хизмат нуфузи, бугунги кунда миллий армияда амалга оширилаётган ислохотлар, юрт ҳимоячилари учун яратилаётган шарт-шароитлар хусусида маълумотлар бериб ўтилди. Шунингдек, болажонларга қўмондонлик ҳаётидан ҳикоя қилувчи видеолар ҳам намойиш этилди.

Қўмондонликнинг Тошкент вилояти Нуробод кўрғонида жойлашган ҳарбий қисми тарғибот гуруҳи вакиллари эса Оҳангарон тумани «Янгиобод» маҳалла фуқаролар йиғини Янгиовул кўчаси, 11-уйда истиқомат қилувчи Иккинчи жаҳон уруши фахрийси Бекмирза ота Абдусаломовнинг ҳолидан хабар олдилар. «Сиз миллат ғурури, фахру ифтихори!» шиори остида амалга оширилган мазкур ташрифда отахонга бирламчи озиқ-овқат маҳсулотлари етказиб берилиб, хонадонда ободонлаштириш ишлари ҳам олиб борилди.



БАРКАМОЛ АВЛОДНИ ШАКЛЛАНТИРИШ ЙЎЛИДА

«Ким Ватанга содиқ бўлса, менидирман ўша!» шиори остидаги ватанпарварлик ойлиги тадбирлари Мудофаа вазирлиги Тоифаланган объектларни қўриқлаш қўшинлари қўмондонлигининг Қорақалпоғистон Республикаси Тахиятош туманида жойлашган ҳарбий қисмларидан бири томонидан кенг миқёсда барча аҳоли қатламларини қамраб олган ҳолда ўтказилмоқда.

Хусусан, «Ҳарбий



қисмдаги бир куним!» мавзусида 25 нафар уюшмаган ёшларнинг ҳарбий қисмга ташрифи уюштирилди. Дастлаб юрт ҳимоячилари учун яратилган шарт-шароит ва қулайликларга гувоҳ бўлган ёшлар ҳарбийларнинг қўл жанги бўйича кўргазмали чиқишлари ва ўқув-моддий базаси билан танишдилар. Маънавий-маърифий тайёргарлик хонасида ўтказилган суҳбат давомида эса ёшларнинг кун давомида олган таассуротлари тингланди.

Қоракўллик ҳарбийлар томонидан ҳам тумандаги академик лицей, халқаро математика мактаби ҳамда 1- ва 8-умумтаълим мактабларида «Мард, жасур ва садоқатли ватанпарварларни тайёрлаш – мактабдан бошланади» мавзусида учрашувлар ўтказилди.

Таъкидлаш жоизки, бу каби кенг қамровли тадбирлар ҳам жисмонан, ҳам маънан баркамол авлодни тарбиялашга, улар қалбида юртпарварлик, меҳр-оқибат туйғуларини янада оширишга хизмат қилади.

Капитан Фарида БОБОЖОНОВА,
Тоифаланган объектларни қўриқлаш қўшинлари қўмондонлиги матбуот хизмати бошлиғи

ФИКР

ЛАҲЗАЛАРДА
ВАТАН ТАҚДИРИ

Таъбир жоиз бўлса, газетани вақт карвони дея атаган бўлардим. Ўзига хос бу карвон вақтнинг, даврнинг янгиликлари, муаммолари, руҳи ва яна бошқа жуда кўп воқеа-ҳодисалар ҳақида хабар беради. Тушунтиради, шарҳлайди, огоҳлантиради, ўргатади. Дастлабки газеталар пайдо бўлганида, бу ўша даврда инсоннинг улуғ кашфиётларидан бири эди. Ва матбуот дунё ва жамиятлар ривожини шаклланиши, тарққиётида муҳим роль ўйнади.



Ҳозирги кеча-кундузда ҳам интернет қанчалик ривожланган, кенг тарқалган бўлмасин, матбуот сўзининг ўз ўрни, салмоғи бор.

Мен «Vatanparvar» газетаси билан йигирма йилдан буён ҳамкорлик қилиб келаман. Унда кўп ҳикоя, мақола, суҳбатларим чоп этилган ва чоп этилмоқда.

Газетанинг менга маъқул хислатлари жуда кўп. Уларни бирма-бир такрорлаб ўтирмай, энг муҳим томонини қайд этаман, холос.

«Vatanparvar» номига хос ва мос газета, унда Ўзбекистон армиясининг, таъбир жоиз бўлса, юрак уриши яққол сезилиб туради. Яна бир жиҳати мақолалар, шарҳлар, ҳарбийчасига қисқа, лўнда, тушунарли тарзда газетхон эътиборига ҳавола этилади. Биринчи навбатда тезкорлик, аниқликка эътибор қаратилади. Чунки армияда буйруқлар қанча қисқа, аниқ, содда ва лўнда бўлса, улар шунчалар тезкорлик билан ўз вақтида бажарилади. Бу жаҳон газета журналистларининг диққат марказида экани ҳар саҳифада билиниб туради.

Газетадаги фотосуратларга ҳам диққатимни қаратаман. Масалан, уларнинг бирида хизмат мажбуриятларини олиб бораётган келишган ҳарбий хизматчи тиббий ниқобда турарди. Суратни синчиклаб кўздан кечирар эканман, газета сурати ўзига хос алоҳида санъат эканига яна бир карра ишонч ҳосил қилдим. Шу лаҳза, манзарани тарихга муҳрлаган газета сурати шу кеча кундуз, давр, макон ва замон тақдири, тарихдаги ҳарбий хизматчилар, армия билан нақадар чамбарчас боғлиқлигини кўрсатиб турибди. Юрагим фахр ҳиссига тўлди...

Зеро, Ватан бошига тушган ҳар бир муаммо, ташвишни бартараф этишга ҳарбийлар сафарбар этиладилар. Шу боис Ватан ҳимояси ҳар бир йигитнинг муқаддас бурчи саналади.

Жўра ФОЗИЛ,
«Дўстлик» ордени соҳибари,
Ўзбекистон Ёзувчилар уюшмаси аъзоси

ИЛМИЙ-УСЛУБИЙ КОНФЕРЕНЦИЯ

СЕРЖАНТЛАРНИНГ ЎРНИ ВА РОЛИ

«Ўзбекистон Республикаси Қуролли Кучлари Кичик мутахассисларни тайёрлаш марказида тактика цикли томонидан «Замонавий тактик ҳаракатларда сержант (кичик командир)нинг ўрни ва роли» мавзусида республика миқёсидаги илмий-услубий конференция ўтказилди. Унда мамлакатимиздаги қатор олий ҳарбий таълим муассасалари вакиллари иштирок этишди.



Конференцияни ўтказишдан асосий мақсад замонавий тактик ҳаракатларда сержантларнинг ўрни ва роли тўғрисида фикр алмашиш, кичик командирларни назарий ва амалий жиҳатдан пухта тайёрлаш, зарур кўникмалар бериш ҳамда ватанпарварлик руҳида тарбиялашда янги йўللار ва услубларни излашдан иборат.

Анжуманда Қуролли Кучлар Кичик мутахассисларни тайёрлаш маркази бошлиғи полковник Анвар Джаббаров, марказ бошлиғининг биринчи ўринбосари – штаб бошлиғи полковник Ақром Муслуманов, Қуролли Кучлар академияси «Тактика» кафедраси катта ўқитувчиси подполковник Илҳомжон Қодиров, Чирчиқ олий танк қўмондонлик-муҳандислик билим юрти «Тактика» кафедраси катта ўқитувчиси подполковник Нурбахт Аҳмедов, ИИВ Қоровул қўшинлари бошқармаси офицери майор Бобир Садиқов ҳамда марказнинг етакчи йўриқчилари I да-

ражали сержант Искандар Тўрабоев, II даражали сержант Яшнаербек Ашрапов ва бошқаларнинг маърузалари тингланди.

Кўшинларда гуруҳ командири, уларнинг ўринбосари, секция командири каби вазифаларда хизмат қилаётган, ўз қасамёдига содиқ юрт посбонлари техник ва тактик жиҳатдан юқори малакага эга бўлиши, ўз бўлимининг жанговар имкониятларини билиши, уларни жангда усталик ва моҳирлик билан қўллаши зарурлиги қайд этилди.

Кун тартибига қўйилган барча масалалар аниқ таклиф ва қизиқарли савол-жавоблар орқали интерфаол усулда муқоама этилди. Конференцияда фаол иштирок этган ҳарбий хизматчилар марказ бошлиғининг фахрий ёрлиғи ва сертификатлари билан тақдирланди.

Подполковник Ж. ЯДГАРОВ,
Кичик мутахассисларни тайёрлаш

ЗАФАРЛИ ОДИМЛАР

(Давоми. Боши газетанинг ўтган сонларида)

“ 2019 йилда Ўзбекистонда 20 га яқин халқаро мусобақалар ташкил этилди ва уларда дунёнинг 4 100 нафардан зиёд етакчи спортчилари иштирок этди. Ушбу нуфузли мусобақаларнинг бештаси жаҳон чемпионати ва жаҳон кубоги баҳслари бўлиб, уларни ўтказиш учун жуда катта маблағ сарфланди, ғолиб ва совриндорлар эса муносиб тақдирланди. Юртимиз спорт мухлислари ушбу воқеликлардан хурсанд бўлишди, мамлакатимиз дунё спорт майдонида тобора юксалаётганидан фахр-ифтихор туйғусини ҳис қилишди.

Ўзбекистон спортчилари 2019 йилги мавсумда 175 та халқаро мусобақаларда иштирок этиб, 175 та олтин, 156 та кумуш, 183 та бронза, жами 514 та медални қўлга киритишди. 2018 йилги мавсумда юртимизнинг 572 нафар вакили 143 та халқаро мусобақаларда қатнашиб, 160 та олтин, 142 та кумуш, 114 та бронза, жами 416 та медалга эга чиқишган бўлса, 2019 йилги мавсумда 943 нафар спортчи халқаро майдонда юртимиз шарафини ҳимоя қилди ва улар жами 514 та медал жамғарди. Ушбу муваффақиятларга ташкил этилганидан буён миллий терма жамоаларимизнинг таянч устуни сифатида самарали фаолият юритиб келган Марказий ҳарбий спорт клуби (МҲСК, кейинчалик *Mudofaa vazirligi sport klubi – MVSK, эндиликда Мудофаа вазирлиги Олий спорт натижаларини ривожлантириш маркази – Марказ*) вакиллари муносиб улуш қўшишди. Қизиғи, атлетларимиз ўзлари қатнашган 175 та халқаро мусобақанинг 175 та олтин медалига сазовор бўлишди. Мавсум давомида 32 нафар спортчимиз Олимпия ва Паралимпия ўйинларида иштирок этиш ҳуқуқига эга бўлди, яъни йўлланма соҳибига айланди. Ўзбек спорти тарихида улкан муваффақиятлари билан из қолдираётган гимнастикачимиз Оксана Чусовитина ўз фаолияти давомида 8-март (!) Олимпия лицензиясига эга бўлганлигини алоҳида эътироф этиш жоиз. Чарм қўлқоп усталаримиз ҳам тарихий муваффақиятга эришишди – 7-21 сентябрь кунлари Екатеринбург шаҳрида ўтказилган XX жаҳон чемпионатида 3 та олтин, биттадан кумуш ва бронза медалга эгалик қилган Ўзбекистон бокс терма жамоаси ўз тарихида илк бор дунё биринчилигида умумжамоа ҳисобида биринчи ўринни эгаллади. Ўсмирлар ўртасидаги Осиё чемпионатида эса юртимизнинг 14 нафар «бўлажак бокс юлдузи» қатнашди ва уларнинг барчаси совриндор бўлди, янада ҳайратланарлиси, бу совринларнинг 10 таси олтин медаллар... бунақаси бокс тарихида бўлмаган!

АРМИЯ СПОРТЧИЛАРИ УЧУН 2019 ЙИЛГИ МАВСУМ

Спортчиларимизнинг халқаро майдонда эришган муваффақиятларида Ўзбекистон Республикаси Президентининг фармони билан 1993 йилда ташкил этилган ва мамлакатимиз армиясининг спорт маркази, миллий терма жамоаларимизнинг таянч устуни сифатида самарали фаолият юритиб келаётган армия спорт клуби вакилларининг улуши доим юқори бўлган ва бундан 2019 йилги спорт мавсуми ҳам мустасно эмас. Йигирмадан ортиқ спорт тури бўйича халқаро мусобақалар, қитъа ва жаҳон чемпионатлари, кубок баҳсларида иштирок этган MVSK аъзолари 99 та олтин, 82 та кумуш, 90 та бронза, жами 271 та медалга эга бўлишди. Буни би-



АРМИЯ СПОРТИ – ЮРТИМИЗ ФАХРИ

VII БУТУНЖАҲОН АРМИЯ ЎЙИНЛАРИ (Ухань шаҳри, 2019 йил 18-27 октябрь)

роз бошқача изоҳлаганда, 2019 йили армиямиз спортчилари дунё ареналарида юртимиз байроғи 271 марта юқори кўтарилишига, 99 марта давлатимиз мадҳияси янграшига сабабчи бўлишди ва бу орқали ёшларимизнинг миллий ғурурини юксалтиришга, ўз навбатида, уларни Ватанга муҳаббат, истиқлол ғояларига садоқат, миллий қадриятларимизга ҳурмат руҳида тарбиялашга хизмат қилишди.

MVSK халқаро майдондаги муваффақиятлар сермахсуллиги бўйича 2018 йилги мавсумда ўзининг энг юқори кўрсаткичларини (104 та олтин, 104 та кумуш, 65 та бронза, жами 273 та медал) намойиш этганди, 2019 йилги спорт мавсумида бу рекорд деярли такрорланди, яъни 271 та медал. Энг яхши муваффақиятлардан бири таэквондочиларга тегишли бўлди. Таэквондо (WT) бўйича Ўзбекистон миллий терма жамоаси аъзолари 2019 йилги спорт мавсумида халқаро мусобақаларда 24 олтин, 17 кумуш ва 29 бронза, жами 70 та медалларни қўлга киритишди. Бу муваффақиятларда MVSK аъзолари Нигора Турсунқулова (-67 кг), Улуғбек Рашитов (-55 кг), Ниёз Пўлатов (-63 кг), Жасурбек Жайсунов (-68 кг), Никита Рафалович (-80 кг) ва Дмитрий Шокиннинг (+80 кг) ҳам муносиб улуши бор. Халқаро тоифадаги спорт устаси, 2018 йилги Осиё ўйинларининг ғолиби Никита Рафалович Токиода ўтказиладиган XXXII ёзги Олимпиада ўйинларига йўлланма ҳам нақд қилиб қўйди.

Мамлакатимизнинг энг етакчи Олий маҳорат спорт мактабларидан бири ҳисобланган MVSKда 20 тадан ортиқ спорт тури бўйича 18 та йўналишдаги фаолият йўлга қўйилган. MVSK аъзолари 2019 йилги мавсумда ана шу спорт турлари бўйича халқаро ва мамлакат миқёсидаги мусобақаларда жами 857 та медалларга сазовор бўлишди. Шундан 246 та олтин, 180 та кумуш, 160 та бронза, жами 586 та медалга мамлакат миқёсидаги мусобақаларда эришилди. Энг кўп совринлар энгил атлетика, эшак эшиш, камондан отиш, шарқ яккакурашлари, мерганлик, дзюдо, бокс ва кураш спорт турлари бўйича баҳсларда қўлга киритилди. Хусусан, Жанубий Кореянинг Чонгжу шаҳрида кураш бўйича XII жаҳон чемпионати ўтказилди. Ўзбекистон миллий терма жамоаси якунда 13 та медалга эгалик қилди, MVSK аъзоларидан уч нафари эса жаҳон чемпиони бўлди. Вакилларимиз 2019 йилги VII Бутунжаҳон армия ўйинларида ҳам муносиб иштирок этишди.

Бутунжаҳон ҳарбий спорт кенгаши (CISM) томонидан «Спорт орқали биродарлик» шиори остида ҳар тўрт йилда бир марта ўтказиладиган Бутунжаҳон армия ўйинлари мусобақасидан асосий мақсад том маънода дунёда тинчлик ўрнатишга, халқлар ўртасидаги ўзаро дўстликни мустаҳкамлашга қаратилган. 2019 йил ўз тарихида еттинчи марта ташкил этилган мусобақа ўтган вақт давомида ҳарбий спортчиларнинг ўзига хос Олимпиадаси даражасига кўтарилди. Юртимиз вакиллари ушбу мусобақанинг ҳаммасида ва барча спорт турлари бўйича баҳсларида тўлиқ қатнашмаган. Бир неча спорт турлари бўйича иштирок ҳам тўлиқ таркибли бўлмаган.

2019 йил Хитойнинг Ухань шаҳрида VII Бутунжаҳон армия ўйинлари бўлиб ўтди. Унда дунёнинг 109 та мамлакати вакиллари қатнашиб, 27 та спорт тури бўйича ғолиблик учун баҳс олиб борди. 12 йиллик танаффусдан сўнг юртимиз армия спортчилари ҳам ушбу йирик мусобақада бироз кенгрок таркибда қатнашди. Ўзбекистон Қуролли Кучлари терма жамоаси таркибини асосан Мудофаа вазирлиги спорт клуби аъзолари ташкил этди. Вакилларимиз йирик мусобақанинг 5 та спорт тури – бокс, дзюдо, таэквондо, энгил атлетика ва теннис бўйича баҳсларида қатнашиб, ғолиблик учун кураш олиб боришди. Бу спорт турлари бўйича халқаро миқёсидаги бошқа нуфузли турнирларнинг ҳам зичлигидан келиб чиқиб, делегациямизнинг Хитойга йўл олиш тартиби ва таркиби ҳам турлича бўлди. Хусусан, жаҳон чемпионатида қатнашган «юлдуз» боксчиларимизга дам берилди. Чунки уларнинг зиммасида XXXII ёзги Олимпиада ўйинларига йўлланма олиш ва унда муносиб қатнашишдек масъулиятли вазифа турганди. Шу боис боксчиларимиз мураббий майор Уйғун Сиддиқов етакчилигида Хитойга иккинчи таркибда йўл олишди. Дзюдо ва таэквондочиларимизда ҳам армия ўйинларида иштирок этиш борасида муаммолар бўлди. Хусусан, таэквондочиларимизни 18-20 октябрь кунлари Болгарияда ўткази-





ладиган «Токио – 2020» Олимпиадаси учун қимматли рейтинг очколарини ишлаб олиш имконияти мавжуд бўлган «София – 2019» Гран-приси кутарди, дзюдочиларимизни ҳам худди шундай аҳамиятдаги БАА пойтахти Абу-Даби шаҳри 24-26 октябрь кунлари мезбонлик қиладиган «Катта Дубулға» туркумига кирувчи халқаро турнир ўзига чорламоқда эди. VII Бутунжаҳон армия ўйинлари эса 18-27 октябрь кунлари Хитойда ўтказилди! Ана энди ўзингиз хулоса қилиб олаверинг, «Токио – 2020» ёзги Олимпиадасига бориш учун рейтинг очколари жамғариш устунми ёки VII Бутунжаҳон армия ўйинларида совриндор бўлиш?!

Мураббийлар мухлислар тарафида туриб муаммонинг ечимини топишди – етакчи дзюдочи ва таэквондочиларимиз икки мусобақада ҳам иштирок этди. Фақат етакчи спортчиларимизга оғир бўлди – тезкор йўл азобларини енгиш, устига-устак рақибларини мағлуб этиш! Хусусан, ғолиб 40, 2-ўрин соҳиби 24, 3-ўринни эгаллаган спортчи 14,4 олимпия рейтинг очкоси ишлаб оладиган «София – 2019» Гран-присида юртимизнинг 6 нафар таэквондочиси иштирок этди. Юртимиз терма жамоасига жалб этилган ҳарбий таэквондочилар Болгариядаги турнирдан сўнг Хитой томон йўл олиб, Бутунжаҳон армия ўйинларида қатнашувчи 16 нафар таэквондочимиз сафига бориб қўшилишди. Хуллас ана шундай мураккабликлар билан юртимиз ҳарбий спортчилари Ухань шаҳри мезбонлик қилган VII Бутунжаҳон армия ўйинларининг дзюдо, бокс, таэквондо, теннис, енгил атлетика бўйича баҳсларида иштирок этди.

Хитойга бир неча номдор енгил атлетикачиларимиз борганди, лекин VII Бутунжаҳон армия ўйинлари улар учун омадсиз якунланди. Хусусан, Надия Дўсанова медаллар учун курашишга яқин борди, бироқ финал баҳслари унинг учун муваффақиятсиз бўлди.

ДЗЮДО

VII Бутунжаҳон армия ўйинларининг дзюдо бўйича беллашувларида дунёнинг 57 давлатидан жами 350 нафар (232 эркак, 118 аёл) ҳарбий спортчи қатнашиб, ғолиблик учун ўзаро кураш олиб боришди. Ушбу баҳсларда юртимизнинг 4 нафар аёл, 8 нафар эркак, жами 12 нафар дзюдочиси қатнашди. Енгил вазн тоифаси бўйича кечган биринчи кунги баҳслар дзюдочиларимиз учун омадли бўлди. Татамига чиққан 4 нафар вакилимизнинг барчаси совриндорлар сафидан жой олди. Биз учун энг қизиғи –66 кг вазн тоифаси бўйича баҳсларда рўй берди, финалда икки юртдошимиз – Артём Штурбабин ва Муҳриддин Тилолов ўзаро тўқнаш келди. «Ўзбекистон дербиси»да Штурбабин ғолиб чиқди. –73 кг вазн тоифасида юртимиз спорт шарафини ҳимоя қилган Ҳикматуллоҳ Тўраев ҳам барча рақибларини мағлубиятга учратиб, олтин медални қўлга киритди. Ёшлар ўртасида жаҳон, катталар ўртасида Осиё чемпи-

они Диёра Келдиёрова (-52 кг) эса иккинчи босқичда франциялик Маркус Табеллионга ютқазиб қўйди. Лекин дзюдочимиз ўтиш баҳсларида бразилиялик Валентин Элеудис, россиялик Дарья Бобрикова, венгриялик Катинка Жабони мағлубиятга учратди ва бронза медални қўлга киритди. Дзюдочиларимиз юқорида қайд этилган мураккабликларга қарамай, VII Бутунжаҳон армия ўйинларининг 2 тадан олтин, кумуш ва бронза, жами 6 та медалини қўлга киритиб, ишончли оқлашди. Зеро, дзюдочиларимиз IV Бутунжаҳон армия ўйинларида биттадан олтин, кумуш ва бронза, жами 3 та медалга эгаллик қилишганди, демак, бу сафар аввалгисидан икки баравар юксак натижа қайд этилди.

БОКС

Боксчиларимиз 12 йил олдин Ҳиндистонда ўтказилган IV Бутунжаҳон армия ўйинларида 4 та олтин ва 2 та бронза медални қўлга киритган ва умумжамоа ҳисобида



1-ўринни эгаллаганди. 2019 йил Хитой мезбонлик қилган VII Бутунжаҳон армия ўйинларида ҳарбий бокс терма жамоамиз деярли иккинчи таркибда йўл олди ва натижалар ҳам шунга яраша бўлди – мусобақанинг 2 та олтин ва 2 та кумуш медалларига эгаллик қилишди. Боксчимиз Козимбек Мардонов (-81 кг) ҳал қилувчи финал жангида Миср терма жамоаси аъзоси Ораби Абдулрахмонни 5:0 ҳисобида мағлуб этди. Мадияр Саидрахимов (-91 кг) эса финалда қозғистонлик Абзал Қуттибековни 1-раунддаёқ нокаутга учратди. Сўнги финал жангида рақибларига имкониятни бой бериб қўйган Шунқор Абдурасулов (-60 кг) ҳамда Билолбек Мирзарахимов (-69 кг) мусобақанинг кумуш медални билан кифояланишди.

ТЕННИС

VII Бутунжаҳон армия ўйинларининг теннис бўйича баҳсларида тўрт нафар вакилимиз қатнашди – Жўрабек Каримов, Сергей Фомин, Сабина Шарипова, Ясмينا Каримжонова. Улар орасида Шарипова учун баҳслар муваффақиятлироқ бўлди. Сабина яққалик баҳслари финалида хитойлик рақибаси Хинюнь Ханга 1:6, 7:6, 0:6 ҳисобида имкониятни бой бериб қўйди ва кумуш медалга эга чиқди. Шарипова жуфтлик баҳсларида Ясмينا Каримжонова билан биргаликда қатнашиб, яна совриндор бўлди. Бронза медални учун баҳсда теннисчиларимиз польшалик рақибалари – Эузанна Вилк/Марта Лесняк жуфтлигини 6:0, 6:2 ҳисобида мағлуб этишди.

ТАЭКВОНДО

VII Бутунжаҳон армия ўйинларида Ўзбекистон таэквондо терма жамоаси тўлиқ таркибда қатнашди.



Тўрт кун давом этган баҳслар мобайнида 16 нафар таэквондочимиздан 10 нафари шохсупага кўтарилди. Мусобақада аёл таэквондочиларимиз муваффақиятлироқ қатнашди – терма жамоамиз аъзолари томонидан қўлга киритилган 10 та медалнинг 6 таси уларга тегишли бўлди, эркаклар 4 та медалга эгаллик қилишди. Аёллар ўртасидаги мусобақанинг ўз вазн тоифалари бўйича баҳслари якунида вакилларимиздан Мадинабону Маннопова (-49 кг), Чарос Қаюмова (-53 кг), Светлана Осипова (+73 кг) олтин, Динорахон Мамадибрагимова (-57 кг) ва Ниғора Турсунқулова (-67 кг) кумуш, Феруза Содиқова (-62 кг) бронза медални қўлга киритди. Эркаклар ўртасидаги баҳслар якунида ҳамюртларимиздан Улуғбек Рашитов (-58 кг)

олтин, Сардор Тоиров (-68 кг) кумуш, Отабек Турғунбеков (-54 кг) ва Ниёз Пўлатов (-63 кг) бронза медалга сазовор бўлди. Энг муҳими, таэквондо мусобақаларида 4 та олтин, 3 та кумуш, 3 та бронза, жами 10 та медални қўлга киритган Ўзбекистон терма жамоаси умумжамоа ҳисобида VII Бутунжаҳон армия ўйинларида 1-ўринни эгаллади!

Дунёнинг 109 та мамлакати вакиллари иштирок этган, 27 та спорт тури бўйича ғолиблик учун ўзаро кураш олиб борилган мусобақанинг фақат 5 таси бўйича баҳсларида қатнашган Ўзбекистон терма жамоаси VII Бутунжаҳон армия ўйинларининг 8 та олтин, 8 та кумуш, 6 та бронза, жами 22 та медалини қўлга киритди ва умумжамоа ҳисобида 9-поғонадан жой олди. Қизиғи, юртимиз ҳарбий спортчилари 12 йил олдин Ҳиндистонда ўтказилган IV Бутунжаҳон армия ўйинларида ҳам 5 та спорт тури бўйича баҳсларда қатнашиб, 5 та олтин, 2 та кумуш ва 7 та бронза, жами 14 та медални қўлга киритган ва умумжамоа ҳисобида 101 та давлат ўртасида 7-ўринни эгаллаганди.

(Давоми газетанинг келгуси сонларида).

Расул ЖУМАЕВ,
«Vatanparvar»

ВОСПОМИНАНИЕ

СВЯЗЬ ВРЕМЯ: ИЗ НАСТОЯЩЕГО
В ПРОШЛОЕ ВО ИМЯ БУДУЩЕГО

Торжественно прошли встречи с теми, кто знал, работал, учился у великого мастера поэзии, прозы, перевода, журналистики, народного писателя Узбекистана Аскада Мухтара, чье 100-летие широко отмечается общественностью не только Узбекистана. Научная онлайн конференция в Институте узбекского языка, литературы и фольклора Академии наук Республики Узбекистан, мероприятия, прошедшие в большом зале Союза писателей Узбекистана и в Национальной библиотеке Узбекистана им. А. Навои, объединили ведущих ученых, занимающихся бессмертным творчеством народного писателя, коллег, соратников, поклонников его таланта. Присутствующие на встречах услышали также отрывок из удивительно достоверного романа «Чинар» Аскада Мухтара на узбекском, русском и татарском языках.

Запоминающимся был и день вечной памяти, утро 23 декабря, поклонение литератору, на памятнике которого, что на Чигатайском мемориальном кладбище, высечена лаконичная фраза: «Аскад Мухтар. Адиб». Состоялось открытие мемориальной бронзовой доски на стене дома, где 25 лет творил литератор, поражая читателей, критиков своими произведениями, а сотни учеников продолжают дело своего учителя, тем самым не прерывается связь времен из настоящего в прошлое во имя будущего.

С Аскадом Мухтаром мне пришлось встречаться на мероприятиях Союза писателей, юбилейных торжествах по различным датам. Перебрасываясь репликами на трех языках, рядом стоящие в удивлении прислушивались к нашей беседе, проникаясь его теплым тембром голоса; все были в полном восторге от его блестящим, уникальным владением узбекского языка, языка родины, народа, с кем он с детства общался, для которого писал, кому посвящал всю свою жизнь.

Часто бывая в командировках в Татарстане, посещая Национальную библиотеку Республики Татарстан, что в изумительном старинном особняке на красивейшей центральной улице Казани, мне было интересно увидеть произведения литераторов Узбекистана в Фонде Храма книг, среди которых увидела в предельно скромно оформленную обложку книги: роман Аскада Мухтара «Чинар» в татарском переводе писателя Лирона Хамидуллины, изданного Казанским книжным издательством в 1976 г., после выхода в Узбекистане романа в 1969 г., в русском переводе в 1970 г.

Прошли годы, в преддверии 100-летнего юбилея

Аскада Мухтара, вспомнила об кандидате исторических наук Булате Хамидуллине, руководителе делегации ученых из Казани, позвонила ему. И каково было мое удивление, что его отец Лирон Хайдарович и есть автор перевода романа «Чинар» с оригинала, заслуженный работник культуры Татарстана, лауреат Государственной премии имени Габдуллы Тукая, проживающий в добром здравии за тысячи километров от Ташкента, но всегда с памятью о коллеге из Узбекистана.

После недолгих переговоров по телефону с сыном, Лирон ака ответил на мои вопросы, переслав по электронной почте уникальные, богатые историческими моментами письмо – подарок для всех поклонников творчества Аскада Мухтара – послание «Мое знакомство с великим мастером» к 100-летию народного писателя Узбекистана Аскада Мухтара.

«Бывая в Каракалпакистане, а также при встречах с писателями Казахстана, Киргизстана, многократно приходилось слышать имя вашего земляка Аскада Мухтара, одного из ведущих писателей Узбекистана, всегда говорили о нем не только как об известном писателе, но и как активного пропагандиста татарской литературы. Вспоминаю узбекского ученого-филолога Шерали Турдыева, участвовавшего на мероприятиях, посвященных к 100-летию Габдуллы Тукая, который также с большой теплотой отзывался о творческой деятельности Аскада ака Мухтара, при этом напомнил, что в Узбекистане активно трудятся более десятка писателей, выходцев из Поволжья и Урала, но среди них выделялись Аскад Мухтар и Абдулла Уразаев, много внимания уделявшие изданию классической татарской литературы в Узбекистане.

– Когда и что пробудило вас обратиться именно к переводу романа «Чинар», который имеет долгую жизнь?

– В 1976 году татарский читатель увидел один из известных романов нашего соотечественника роман «Чинар», переведенный с оригинала. Из десятков прозаических произведений: повестей, романов, именно этот роман, удостоенный Государственной премии Узбекистана имени Хамзы, порекомендовала мне донести до татарского читателя супруга нашего известного писателя Габдурахмана Абсаломова, Магина апа, на младшей сестре которой Раухза ханум был женат Аскад Мухтар. Волею судьбы их семья оказалась в Средней Азии в начале 30-х годов, некоторые родственники и моей матери оказались в тех же краях. Так что, работая над переводом романа я, как бы вторично познакомился с Аскадом Мухтаром, окупился в те незабываемые события, меня покорила идея; роман посвящен жизни и деятельности приближающегося к столетию Ачила бобо, его стойкости к жизненным невзгодам, которая в данной ситуации сравнивается со стойкостью многовекового чинара-платана, раскинувшего свои ветви на главной площади их старинного села. Мужественный человек помнил бунты соплеменников в годы невзгод или притеснений царских чиновников, дни установления новых порядков при новой власти.

– Были ли личные встречи с автором романа?

– Во время работы над переводом мы часто перепи-сывались, вот тогда узнал подробности жизни писателя. После выхода данного романа Амирхан Еники сообщил мне, что его родители и Аскада Мухтара – выходцы из соседних сел, встречаясь в Москве и Казани, считали себя близкими друзьями – земляками.

Вот что пишет об этих годах сокурсник Аскада, доктор филологических наук, член Союза писателей СССР Рахим Мукумов, которые я узнал при одной из встреч в Москве. Когда готовились его воспоминания для издания в Татарстане их передал мне поэт Вил Ганиев: «В университете со мной вместе учились тогда Шараф Рашидов, в последствии известный автор нескольких повестей и романов, затем ставший первым лицом Узбекистана, народный писатель Аскад Мухтар, народный поэт Узбекистана Гафур Гулям».

Сын по приезду из Узбекистана тепло рассказывал о вашем городе, встречах с учеными, коллегами, представителями Татарских культурных центров. Приятно осознавать и то, что именно здесь Аскад Мухтар поднимается по трудной творческой лестнице всей своей жизни: как журналист молодежной газеты «Ёш ленинчи», республиканской газеты «Қизил Ўзбекистон» (сегодня «Ўзбекистон овози»).

На странице именно этой газеты в октябре 1936 года был напечатан изумительный репортаж народного писателя Узбекистана, журналиста Абдулла Кадыри «Качида икки ҳафта» («Две недели в Качи») о его пребывании в татарском ауле Арского района во время работы Курульты литераторов в г. Казани.

В 1960 г. Аскад Мухтар – главный редактор литературного журнала «Шарқ юлдузи» («Звезда Востока»), избирается одним из секретарей Союза писателей Узбекистана, позже в годы наших личных встреч он возглавляет журнал «Гулистан». И неудивительно, что к этому времени он издал поэтические сборники, куда вошли и несколько его поэм, принесшие ему особую популярность; являлся автором нескольких повестей, пяти романов и трех пьес. Интерес к произведениям будущих коллег стран мира приводит его со студенческих лет к переводам поэтических произведений классиков мировой литературы как А. Пушкин, М. Лермонтов, М. Горький, В. Маяковский, А. Блок, Т. Шевченко, К. Симонов, А. Корнейчук, других авторов, которые были изданы на страницах периодической печати и в его сборниках.

Успешными были постановки пьес «Разбойники» Ф. Шиллера (1955 г.) и «Царь Эдип» Софокла (1968 г.) в переводе Аскада Мухтара на сцене Национального узбекского драматического театра.

Хотелось бы подчеркнуть, что все созданное сыном благодатной радушной узбекской земли, патриотом родины, служивший народу, отдавая весь творческий дар, не забывая при этом о предках, которые за тысячи километров от него. Память о нем будет переходить из года в год, из века в век, как мы отмечаем первый Памятный век народного писателя Узбекистана Аскада Мухтара.

Приятно было получить ответы на вопросы, письменно общаться с татарским литератором Лироном ака Хамидуллиным, соратником по перу Аскада Мухтара, узнать о подробностях его жизненного и творческого пути, друзьях, коллегах; узнать новое о литераторе, который в памяти не только нас, узбекистанцев, но и народов стран мира, произведения величайших литераторов которых переводил Аскад Мухтар, тем самым оставив о себе память и счастье наслаждения его работами.

Слова великого Алишера Навои тому пример: «Не могут люди вечно быть живыми, но счастлив тот, чье поминать будут имя».

Флора ФАХРУДИН

«ВАТАНПАРВАРЛИК ОЙЛИГИ»

ҚАЛБЛАР ТАРЖИМОНИ

“Ўзбекистон Республикаси Қуролли Кучлари ташкил этилганлигининг 29 йиллиги ҳамда Ватан ҳимоячилари кунини муносиб нишонлаш учун юртимиз бўйлаб «Ватанпарварлик ойлиги» дастури асосида турли тадбирлар ўтказилмоқда. Тошкент шаҳар халқ таълими бош бошқармасига қарашли «Баркамол авлод» болалар марказлари тўғрақларининг икки юздан ортиқ аъзолари иштирокида Қуролли Кучлар академиясида очиқ эшиқлар кунини ташкиллаштирилди.

Ёш иқтидор эгалари академиянинг марказий биноси олдида ҳарбий оркестр ижросидаги куй садолари остида кутиб олинди. Марказий бино фойесида болажонлар ҳамда уларга ҳамроҳлик қилган офицерлар Жалолдин Мангуберди, Алишер Навоий, Захириддин Муҳаммад Бобур, Аҳмад Фарғоний каби буюк аждодларимиз портретлари қаршисида ҳар бир тарихий шахсининг фаолияти ва ҳаёт йўлига қисқача тўхталиб ўтди.

Шундан сўнг «Баркамол авлод» болалар марказларининг тўғрақи тарбияланувчилари ва устозлари академия мажлислар залида атоқли шоир, драматург, носир, Ўзбекистон халқ ёзувчиси Асқад Мухтор таваллудининг 100 йиллигига бағишланган «Асқад Мухтор – қалблар таржимони» деб номланган хотира кечасида иштирок этдилар. Тадбирда «Мърифат» тарғиботчилар жамияти аъзоси, Ўзбекистон халқ артисти Муножот Йўлчиева, «Гулистан» журнали бош муҳаррири Маматқул Ҳазратқулов, шоир Ахтамқул Карим ва бошқалар таниқли ёзувчининг ўзбек адабиётига қўшган хиссаси ҳақида тўхталиб ўтдилар. Сўзга чиққан шоир ва ёзувчилар, адабиётшунос олимлар адибнинг роман ҳамда қиссалари бугунги авлод тарбиясида муҳим аҳамият касб этишини таъкидладилар.

– Асқад Мухтор собиқ Иттифок тузуми ғоялари кенг тарғиб қилинаётган мураккаб бир пайтда ўзбек халқининг тарихи, маънавияти ва ўша давр муаммолари ҳақида кўрқмай ёза олган кам сонли адибларимиздан бири бўлган. 1960-йилларда «Темур тузуклари»нинг «Гулистан» журналида чоп этиришини ҳақиқий қахрамонлик дейишимиз мумкин. Бундан ташқари, унинг шеърларида очиқчасига совет тузуми ғояларига қарши чиқишларни кузатиш мумкин, – деб эслайди адибнинг шогирдларидан бири бўлган Маматқул Ҳазратқулов.

Очиқ эшиқлар кунини давомида ўқувчилар академия тарихи музейи, ахборот-ресурс маркази, курсантлар ётоқхоналари, зирхли жанговар машиналар тренажёр комплекси, спорт зали ва ўқув синфларидаги шароитлар билан яқиндан танишдилар.

Ўз навбатида, ўқувчилар ўзлари тайёрлаб келган байрам тўғрақларини намойиш этишди. Тасвирий санъат, халқ ҳунардчилиги, каштачилик, безакчилик каби болалар ижодида мансуб намуналар кўргазмаси ташкил қилинди. Тўғрақнинг бадиий жамоаси аъзолари эса йиғилганлар эътиборига ранг-баранг репертуарлардан ташкил топган концерт дастурини намойиш этишди. Тадбир якунида Қуролли Кучлар академияси курсантлари ва болажонлар биргаликда эсдалик учун суратга тушдилар.



Асрор РЎЗИБОВ

КИТОБ – БОЙЛИК. ЛЕКИН СОТИБ ОЛИНГАНИ ЭМАС, ЎҚИЛГАНИ. Асқад Мухтор

ШОНЛИ ЎТМИШ

БИРИНЧИ ЎЗБЕК ТОҒ-ОТЛИҚ ДИВИЗИЯСИ

Узоқ йиллар давомида совет ҳукумати титроққа солиб келган ўзбек ўғли генерал Миркомил Миршарапов шу йилнинг 25 декабрь санасида 120 ёшга тўлди. 1900 йил 25 декабрь куни Тошкент шаҳрининг Бешёғоч даҳаси, «Биринчи арпапоя» маҳалласида дунёга келган қаҳрамонимиз ўз ҳарбий салоҳияти билан оламшумул ишларни амалга оширди. Бу ҳақда «Ўзбекистон армияси» журналида батафсил ўқишингиз мумкин. Биз эса қаҳрамон ҳаётининг энг ёрқин ва қийин лаҳзалари ҳақида муҳим фактларни келтириб ўтамиз.

● 1920 йил март ойида Тошкентдан Хоразмга юборилган ҳайъат таркибида Миркомил Миршарапов ҳам бор эди. У Хоразмда алоҳида ўқчи батальон ва отлик полк ташкил этишга киришади ва 1920 йилнинг ўзида 500 дан ортиқ маҳаллий миллат вакилларида иборат отлик эскадрон тузади.

● Миркомил Миршарапов аввало, қизил аскарлар жорий этган ўлдирилган душманнинг бошини кесиб келиб, унвон ва моддий кўмак олиш амалиётига мутлақ чек қўяди.

● 1922 йил 7 август куни «Маҳбус Миршарапов» номидан деб ёзилган аризасида: «...сақкиз ой аввал Бик мени ноқонуний қамоққа олди. Ҳамон бунинг асл сабабини билмаяпман. Терговчилар менга нима айб қўймоқчи эканини ҳам билмайман. Мен маънан чар-



чадим. Менинг масаламни ҳал қилинлар ё мени отиб ташланлар. Айбим бўлмаса, озод қилинлар», деб аёнлайди. 1922 йил 13 август куни ташриф буюрган комиссия М. Миршараповни озод этади.

● Миркомил Миршарапов 1929 йилнинг 16 июнида Самарқандда ташкил этилган алоҳида ўзбек отлик аскарлар полкига қўмондон этиб тайинланади. 1931 йил ноябрдан бирлашган ўзбек бригадаси қўмондони ва ҳарбий комиссари, 1932 йил 17 майдан 6-Ўзбек тоғ-отлик дивизияси (1936 йилдан 19-Ўзбек тоғ-отлик дивизияси) қўмондони ҳамда ҳарбий комиссари сифатида фаолият кўрсатади.

● М. Миршарапов дивизияси келажакда тўлалигича ўзбек миллий армиясининг ўзаги бўлиши керак эди. Унда замонавий армияга хос барча хусусиятлар шакллантирилиб, артдивизион, мото-мех дивизион, махсус ҳаво кучлари, пйеда, отлик, алоқа эскадронлари ташкил этилди.

● Дивизиянинг тантанали йиғинларида М. Миршарапов шарафига басталанган «Миршарапов дивизияси, олға бос!» сатрлари билан бошланувчи мадҳия жаранглар эди. «Миршарапов марши» деб номланган мадҳия нафақат дивизия ҳарбийлари орасида, балки бутун ўзбек ёшларининг сеvimли кўшиғига айланиб кетди. Ҳатто, машҳур шоир Мақсуд Шайхзода М. Миршарапов қўмондонлик қилган Ўзбек тоғ-отлик дивизиясига бағишлаб «Ўзбек дивизияси марши» номли шеър ёзди.

● 1937 йил 28 октябрь куни ўзбек генерали Миркомил Миршараповни аксилинқилобий фаолияти учун қамоққа олиш тўғрисида ордер чиқарилди. Унинг уйдан хизмат вақтида олган олтин соати, Хоразм, Тожикистон, Ўзбекистон ҳукуматлари томонидан берилган «Қизил байроқ» орденлари, китоблари, хўжалик буюмлари, хуллас, барча мулклари хатлаб олиб кетилди.

● Миркомил Миршарапов 1938 йил 10 октябрь куни ЎзССР ИИХК ҳузуридаги «учлик» томонидан отувга ҳукм қилинди ва шу куннинг ўзидаёқ отиб ташланади. Орадан 19 йил ўтиб, яъни 1957 йилда СССР Олий суди ҳарбий коллегияси томонидан оқланади.

● 1960 йилда Акмал Икромовнинг ўғли Комил Икромов томонидан М. Миршарапов ва унинг ҳарбий фаолиятига бағишланган «Карвон ўтар, из қолар» номли тарихий роман ёзилди. 1976 йил режиссёр Комил Ёрматов томонидан М. Миршараповнинг фаолияти акс этган «Олис-яқин йиллар» номли бадиий фильм яратилди.

Лейтенант Бобур ЭЛМУРОДОВ

ХОТИРА

1968 йилда Москва шаҳрида ўтказилган халқаро кинофестивалда «Генерал Раҳимов» бадиий фильми Гран-при мукофотини, унда биринчи ўзбек генерали – Собир Раҳимов образини яратган Зикир (Зокир) Мухаммаджонов энг яхши эркак роли учун бош мукофотни қўлга киритган. Генералга хос жўшқинлик, шижоат, жасурлик, бағрикенглик унинг ижросида ўз аксини тўла топа олган. Фильм дунёнинг кўплаб экранларида намоиш этилган.



Жўшқинлик ва фикран теранлик



70 йилдан зиёд фаолият юритган Ўзбек миллий академик драма театрида юзлаб роллар ижро этган, киноларда эликдан ортиқ ролларда ўйнаган, «Ўзбекфильм» киностудиясида кўплаб фильмларга овоз берган, ҳаётлигидаёқ тирик афсонага айланган Ўзбекистон халқ артисти, Ўзбекистон қаҳрамони, «Дўстлик» ва «Буюк хизматлари учун» орденлари соҳиби Зикир Мухаммаджонов ҳаёт бўлганида, у кишининг бир асрлик юбилейини нишонлаган бўлардик.

Дарҳақиқат, у яратган образлар кучли психологик драматизми, романтик кўтаринкилиги билан ажралиб туради. Серкирра актёр ижодий фаолияти давомида нафақат кўплаб бадиий фильмларда, балки видеофильм ва телеспектаклларда ҳам бир қанча образлар яратган: Улуғбек («Улуғбек хазинаси»), Ҳусайн Бойқаро («Алишер Навоий»), Исомиддин ака («Ер фарзанди»), профессор Комилов («Имон») шулар жумласидан. Бир қанча чет эл фильмларида («Али бобо ва 40 қароқчи», «Севги афсонаси») ҳам суратга тушган.

Жаҳон драматургиясининг мумтоз намуналарида, ўзбек адабларининг умуминсоний мавзулардаги асарларидаги образларни маҳорат билан ижро

этган. Масалан, Фердинанд («Макр ва муҳаббат»), Жалололдин («Жалололдин Мангуберди»), Абдуллатиф («Мирзо Улуғбек»), Горадио («Ҳамлет»), Кассио («Отелло»), Фурқат («Фурқат»), Едигей («Асрга татиғулик кун»), Самандар («Самандар»), Синтаро («Ўғирланган умр»), Октавия Цезарь («Юлий Цезарь»), Деҳқонбой («Шоҳи сўзана»), Жабборов («Парвоз»), Юсуфбек ҳожи («Ўткан кунлар»), Беруний («Абу Райҳон Беруний») каби ролларда халқ артистининг ўзига хос ижод нафаси овоздаги жўшқин эҳтирос, фикран теранлик ва вазминлик билан тўлдирилиб, имконият кучи намоён бўлган.

– Зикир билан институтда бир курсда ўқиганмиз, – деган эди режиссёр Тўла Хўжаев ўз хотираларида. – У камтар, меҳнаткаш ва ўта интизомли эди. Спектаклларга 2-3 соат олдин келиб, роли устида ишларди. Фарзанди вафот этган куни кечқурун 800 та томошабин қаршисида «Фурқат» спектаклида бош ролни ижро этганди. Саҳнадаги хатти-ҳаракатларида оғир йўқотиш аломатлари йўқ эди, барчаси табиий чиққани бутун ижодий жамоамизни ҳайратга солганди.

Ҳа, у ҳақиқатан буюк актёр, ҳақиқий инсон эди...

Иброҳим ЮСУПОВ

ФАҚАТ МАҚСАДГИНА ҲАЁТГА МАЪНО ВА ҚОНИҚИШ ҲИССИНИ ОЛИБ КИРА ОЛАДИ. БУ НАФАҚАТ САЛОМАТЛИКНИНГ ЯХШИЛАНИШИ ВА УЗОҚ УМР КЎРИШГА ЁРДАМ БЕРАДИ, БАЛКИ ОҒИР ДАМЛАРДА ҲАМ УМИД ТОМЧИСИ ҲАМ БЎЛИБ ХИЗМАТ ҚИЛАДИ.. Стив Жобс

ХУҚУҚ

БИЗ ХУҚУҚБУЗАРЛИККА ҚАРШИМИЗ

“ Одамзот ҳозир шиддатли бир даврда яшамоқдаки, бугунги глобаллашув замонида инсониятнинг қалби ва онгини эгаллаш учун мислсиз кураш бормоқда. Инсондан турли мақсадда фойдаланиш сингари мудҳиш жиноятлар, турли қуролли тўқнашувлар, давлат тинчлигига раҳна солувчи ҳаракатлар – буларнинг барчаси вайронкорлик, бўзғунчилик, умуман олганда, шафқатсизлик кўринишидир.

Ҳар йили дунё бўйича минглаб бегуноҳ инсонлар бевосита ёки билвосита турли зўравонликлар қурбонига айланмоқда. Вайронкор ғояларнинг амалий кўриниши ҳудуд ва жой танламайдиган даҳшатли жиноятлардан саналиб, уларга диний экстремизм ва терроризм, одам савдоси, «оммавий маданият» ҳамда трансмиллий жиноятлар, шунингдек, халқаро можароларнинг қиёфасини бутунлай ўзгартираётган таҳдидлар ва инфорацион-психологик хуржлар ҳам мансубдир.

Ҳозирда юқоридаги каби вайронкор ғоялар ва ҳаракатларга қарши кенг миқёсда кураш олиб борилмоқда. Бунинг учун мамлакатимизда талаб даражасидаги амалий тизим ва қонунчилик базаси яратилган.

Бу борада олиб борилаётган ишлар эса ўзининг ижобий самарасини бермоқда. Маҳалла ва ҳуқуқ-тартибот идоралари

ҳамкорлиги тобора мустаҳкамланиб бораётир. «Хавфсиз ҳудуд» концепцияси асосида жамоат тартибини таъминлашга қаратилган салмоқли ишлар амалга оширилмоқда.

Ҳуқуқбузарликларнинг олдини олиш ва ҳар бир ҳарбий қисмни ҳуқуқбузарликлардан холи тузилмага айлантириш борасида Навоий ҳарбий прокуратураси томонидан ҳам жорий йилнинг ўтган даврида ҳарбий округ, ҳарбий қисм ва муассасалар қўмондонликлари билан ҳамкорликда тарғибот-тушунтириш ва профилактик тадбирлар ўтказилди.

Бу борадаги фаолият, албатта, юртимизда тинчлиги ва халқимиз осойишталигини барқарор сақлашга хизмат қилади.

**Адлия катта лейтенанти
Шерзод УНГАРОВ,
Навоий ҳарбий
прокурорининг ёрдамчиси**

“ Ўзбекистон Республикаси Ҳарбий прокуратураси маҳкамаси таркибий тармоқлари бошлиқлари томонидан бевосита жойларга чиқиш йўли билан ҳудудий ҳарбий прокуратураларга амалий ёрдам кўрсатиш тадбирлари ўтказиб келинмоқда.

ФАОЛИЯТ ЎРГАНИЛМОҚДА

Орта қолган ҳафтада саккизта вилоятдаги қуйи турувчи ҳарбий прокуратураларга борилиб, тегишли йўналишлар бўйича уларнинг фаолияти ўрганилди.

Ташрифлар давомида жойлардаги ҳарбий қисм ва муассасаларда ҳуқуқбузарликларнинг олдини олиш, ҳар бир ҳарбий қисмни ҳуқуқбузарликдан холи тузилмага айлантириш, шунингдек, янги қонунлар, амалга оширилаётган туб ислохотлар мазмун-моҳияти юзасидан барча тоифадаги ҳарбий хизматчилар иштирокида ўнга яқин тарғибот тадбирлари амалга оширилди.

Бундан ташқари, ҳарбий қисм ва муассасаларда хизматни ўташ учун яратилган шароитлар, жорий қилинган қулайликлар аҳволи бевосита ўрганилди.

Жумладан, Қорақалпоғистон Республикаси Мўйноқ туманида жойлашган ФВВга қарашли

Ихтисослаштирилган табиатни тиклаш ва Муҳандислик қурилиш батальонларида муддатли ва контракт бўйича ҳарбий хизматни ўтаётган ҳарбий хизматчиларга яратилган шарт-шароитлар билан яқиндан танишилди.

Бунда ҳарбий хизматчилар озиқ-овқат маҳсулотлари, ётоқ жойлари, кийим-бош ва бошқа барча таъминот турлари билан қай даражада таъминлангани, уларнинг соғлигини сақлаш ва тиббий хизмат кўрсатиш ҳолати ҳамда ҳарбийларнинг фаолиятига доир бошқа масалалар ўрганилиб, юқори турувчи қўмондонлик вакиллари билан ҳамкорликда фаолиятни янада такомиллаштириш бўйича таклиф ва тавсиялар берилди.

**Адлия майори
Жавҳар СОБИРОВ,
Республика Ҳарбий
прокуратураси бўлим
бошлиғи ўринбосари**

МУЛОҲАЗА

ХУЛИГАНИСТОН ҲАҚИДА ЭШИТГАНМИСИЗ?

“ Фейсбук, инстаграм, твиттер, телеграм, тик-ток ва бошқа ижтимоий тармоқлардан ахборот олишга айниқса, биз, ёшлар кўникиб қолдик. Қадрдонларимиз билан виртуал мулоқот қиламиз, фикрни чархлаймиз ва энг ёмони, одоб чегарасини кесиб ўтамиз. Айнан шу муаммога этиборингизни қаратмоқчиман.

Хулиганистон ҳақида эшитганмисиз? Хулиганистон – айрим тенгқурларимизнинг ижтимоий тармоқларда профилига ёзиб олган, уларга чексиз ғурур бағишлайдиган жумла. Ўзбекчада «безорилар» деган маънони беради. Хулиганлигидан фахрланаётган ўсмирга мабодо ижтимоий тармоқда бу сўзнинг тилимиздаги маъносини айтсангиз борми, сизни муштлашувга таклиф қилишгача бориши мумкин. Буни қандай тушунмоқ керак? Улар бу сўзнинг аслида салбий маъно касб этишини англашмайди ёки ҳақиқатдан ҳам ахлоқи бузуқ.

Профилига «хулиганка», «бандит», «бандитка», «шайтонский» (*наҳотки шу номни ўзига лойиқ кўрмоқлик шараф бўлса*), «наркоман» ва ҳоказоларни қўйиб олаётганлар кимлар ўзи?



На тилига, на маънавий-ахлоқий қадриятларига ҳурмати бор, турли ёт ғоялар таъсирини тушиб қолган бебошларми?! Саводсизлик, ахлоқсизлик, маънавиятсизлик бекатига хуш келибсиз, дейишдан бошқа гап тополмадим.

Китобхонликка ихтисослашган сайтлар ёки ижтимоий тармоқлардан кўра олди-қочди гаплар, бўлмағур видео мазахлар, ёшлар онгини манипуляция қиладиган каналларнинг обуначилари, афсуски, 10, 20 баробар кўп. Очиғи, бир ўспирин профилига «Барчасидан чарчадим» деб ёзиб қўйганидан қўрқиб кетдим. Залолат

ботқоғига ботиб бораётганларга бефарқ қараб туриш мумкинми?

Муаммонинг ечимини ўзимча виртуал мулоқот маданиятини тўғри шакллантира олишда кўргандай бўламан. Акс ҳолда, бизнинг авлод манқуртлик, худбинлик атмосферасидан нафас олаверади.

**Сардор САЪДУЛЛАЕВ,
Ўзбекистон журналистика ва оммавий
коммуникациялар университети
ҳарбий журналистика йўналиши
2-босқич талабаси**

ХАРБИЙ ТЕХНИКА

МИЛЛИЙ КОМПАНИЯ МАҲСУЛОТИ

Хитойнинг WZ-551 русумли пидедалар жанговар машинаси (бошқача номланиши «Тип 92», ғилдираклар формуласи 6 х 6) «Норинко» миллий компанияси мутахассислари томонидан яратилган. Икки ўринли бошқарув бўлими машинанинг олд қисмида жойлашган ҳамда мотор-трансмиссия бўлимидан пардевор билан ажратилган. Командир ва механик-ҳайдовчининг ўриндиғи тепасидаги люкларга перископик кузатув асбоби ўрнатилган. Машинанинг олд қисмида ўқ ўтказмайдиган ойналар билан жиҳозланган иккита дарча мавжуд бўлиб, улар зирхли қопқоқлар билан ҳимояланган. Мотор-трансмиссия бўлими корпуснинг ўрта қисмига жойлаштирилган, двигатель эса бўйлама ўқнинг чап томонида сурилган. Ўнг томонда кабина ва бошқарув бўлимини бирлаштирувчи тор туйнук бор. WZ-551га Германияда ишлаб чиқарилган ва қуввати 320 от кучига тенг бўлган BF8L413FC типидagi дизель двигатели ҳамда механик узатмалар қутиси ўрнатилган. Машинанинг орқа томонидаги десант бўлмасига барча зарурий нарсалар билан тўлиқ таъминланган 9 нафар пидеда аскар жойлашиши мумкин. Улар ўз ўринларини орқа томондаги эшик ва корпус томидаги люклар орқали эгаллашлари ва тарк этишлари мумкин. Қуроллар таркибига 25 мм.ли автоматик тўп ва у билан жуфтлаштирилган 7,62 мм.ли пулемёт киради. Тўпнинг чап ва ўнг томонида тутун тарқатувчи гранаталарни ишга туширувчи тўрт стволли қурилмалар ўрнатилган. Машина экипажни кимёвий ва биологик қуроллардан ҳимоялаш учун фильтровентиляция қурилмаси, шунингдек, автоматик ўт ўчириш тизими билан жиҳозланган. WZ-551нинг жанговар оғирлиги 15,3 тонна (бўш ҳолатда 13,1 тонна), узунлиги 6,6 метр, эни 2,8 метр, баландлиги 2,1 метр, шоссе бўйлаб максимал ҳаракатланиш тезлиги соатига 90 км (сузиш вақтида – соатига 8,5 км).



УНИВЕРСАЛЬНЫЙ КОРАБЛЬ СНАБЖЕНИЯ

Итальянское судостроительное объединение «Финкантьери» планирует построить для Военно-морских сил Франции четыре универсальных транспорта снабжения (УТРС) типа «Вулкано». В составе французского флота они заменят судна типа «Дюранс» постройки 1980-годов. Новый корабль будет иметь полное водоизмещение 31 000 тонн, длину 194 метра и ширину 27,4 метра. Двухвальная дизель-электрическая главная энергетическая установка суммарной мощностью 25 МВт обеспечит скорость полного хода 20 узлов. Автономность 60 суток. Экипаж судна 130 человек с возможностью размещения ещё 60 человек.

Основу вооружения корабля составляют две 40-мм артиллерийские установки «Бофорс». Предусмотрены площадка и ангар для вертолёта боевого обеспечения NH90. Транспорт снабжения будет способен принимать 13 000 м3 топлива и жидких грузов, а также 1 500 тонн сухих, включая размещаемые в контейнерах. Устанавливаются четыре станции передачи грузов на ходу. УТРС будет также оборудован ремонтными мастерскими и системой переработки отходов.



ИККИ ХИЛ ВАРИАНТДА

«Тайфун» (Typhoon) русумли тактик қирувчи самолёт «Еврофайтер» конкорциуми асосини ташкил этувчи тўрт мамлакат – Буюк Британия, Германия, Италия ва Испания мутахассислари ҳамкорлигида ишлаб чиқилган. 2002 йилдан буён серияли равишда бир ва икки ўринли вариантларда ишлаб чиқарилаётган «Тайфун» ўз қудрати ва самарадорлигини реал қуролли тўқнашувларда намоён этишга эришган. Душман радарларига халал бериш ва бу билан бошқарилувчи ракеталарнинг нишон томон йўналишини тўғрилаш имкониятини яратиш самолётнинг асосий устунликларидан бири ҳисобланади. Самолётнинг асосий тактик-техник тавсифлари қуйидагича: узунлиги 15,5 м, баландлиги 5,3 м, қанот кўлами 11,1 м, максимал кўтарилиш оғирлиги 21 000 кг (юксиз – 11 150 кг), максимал парвоз тезлиги соатига 2 200 км (11 000 м баландликда), амалий кўтарилиш баландлиги 18 000 м, тактик ҳаракатланиш радиуси 1 000 км.гача. Кучланиш қурилмаси таркибига ҳар бирининг максимал тортиш кучи 103 кН бўлган иккита икки контурли турбореактив двигатель киради. Қуроллари: ички қисмига жойлаштирилган 27 мм.ли автоматик тўп, ташқи қисмидаги 13 та илгичда 8 тагача турли типдаги бошқарилувчи ракета, авиация бомбалари ва кассеталар (максимал жанговар юкланма оғирлиги 6 500 кг). Борт радиоэлектрон ускуналари асосини замонавий радиолокация станцияси ва оптик-электрон тизим ташкил этади. Самолёт «DASS» типидagi индивидуал ҳимоя комплекси билан жиҳозланган.



ИМЕЕТ ЗАПАСНЫЕ ПРИЦЕЛЫ

Бельгийский 9-мм пистолет-пулемет (ПП) P-90 создан специалистами компании «ФН Херстал» по схеме «буллпап». Автоматика оружия работает за счет отдачи свободного затвора, а выстрел производится при закрытом затворе. Пистолетная рукоятка вынесена вперед, чтобы при стрельбе с бедра большая часть массы ПП приходилась на руку, обеспечивая хорошую устойчивость. При стрельбе с плеча задняя часть ствольной коробки выступает в роли приклада, а изогнутая передняя часть спусковой скобы – в роли упора для второй руки. Ствольная коробка изготовлена преимущественно из пластмасс, магазин располагается сверху, над стволом, причем патроны в нем находятся под углом 90° к оси ствола. Специальное поворотное устройство магазина совмещает подаваемый в патронник патрон с осью ствола. Магазин полупрозрачный, что позволяет быстро определить оставшийся боезапас. Все органы управления одинаково удобны как для правой, так и для левой, так как рукоятка заряжания продублирована с обеих сторон, а вращающийся рычажок предохранителя/переводчика огня находится под спусковым крючком. По обе стороны от основного коллиматорного прицела расположены два открытых прицела на тот случай, если первый выйдет из строя. Основные характеристики ПП: масса пустого 2,9 кг (снаряженного 3,2 кг), эффективная дальность стрельбы 200 м, темп стрельбы 900-1000 выстр./мин. (в зависимости от массы пули), начальная скорость полета пули 715 м/с, длина общая 500 мм (ствола – 257 мм), емкость корочевого магазина 50 патронов.



П. САЙДИВАЛИЕВ тайёрлади.

МАЛАВИ – «ЙИЛ ДАВЛАТИ»



«The Economist» нашри 2020 йилда энг катта ўсишга эришган давлат сифатида Африка жанубидаги Малавини «Йил давлати», дея эътироф этди. Эслатиб ўтамиз, Малавида 2019 йилда президентликка сайловда Питер Мутарика ютиб чиқди. Бирок сайлов натижалари сохталаштирилган эди. Сайловчилар эса «штрих билан ўзлаштирилган» ғалабага қарши намоийишга чиқди. Суд сайлов натижаларини бекор қилди. Шу йил июнь ойида ўтган сайловда оппозицион партиядан номзод Лазарус Чаквера президентликка сайланди.

2019 йилда Ўзбекистон «Йил давлати» деб эълон қилинган эди.

ХИТОЙДА МИЛЛИАРДЕРЛАР КЎПАЙДИ



Дунёда пандемия бошидан бери соғлиқни сақлаш соҳасида 50 нафар янги миллиардер пайдо бўлди. «Forbes» нашрининг маълум қилишича, бу кишиларнинг бойлиги вакцина ишлаб чиқарувчи ва тиббий қурилмалар етказиб бериш билан шуғулланувчи компаниялар акциялари қимматлашиши эвазига ортган. Янги миллиардерларнинг аксарияти хитойлик.

Аввалроқ «Forbes» 2020 йил якунларига кўра, 2200 дан кўпроқ миллиардер йил давомида 1,9 трлн долларга бойиганини, уларнинг умумий бойлиги 11,4 трлн долларга баҳоланаётганини маълум қилганди.

Интернет материаллари асосида тайёрланди.

2 ЙИЛДА 4 МАРТА САЙЛОВ




Исроил парламенти Кнессет 2021 йил учун давлат бюджетини тасдиқлаш муддати ўтиб кетгани сабабли автоматик тарзда тарқатиб юборилди. Мамлакат қонунчилиги кўра, энди парламентнинг янги таркиби учун сайловлар 23 март куни ўтказилиши керак. Шу тариқа, Исроилни 2 йил ичида 4-муддатдан аввал парламент сайловлари кутмоқда. Бу ерда сиёсий инқироз 2019 йилдан бери давом этмоқда. Шу вақт ичида 3 марта сайловлар ўтказилган ва уларнинг барчасида ўнг ва сўл партиялар парламентда деярли бир хил сонда ўринлар олган. Бу эса ҳукуматни шакллантиришга тўсқинлик қилган.

Исроил парламенти Кнессет 2021 йил учун давлат бюджетини тасдиқлаш муддати ўтиб кетгани сабабли автоматик тарзда тарқатиб юборилди. Мамлакат қонунчилиги кўра, энди парламентнинг янги таркиби учун сайловлар 23 март куни ўтказилиши керак. Шу тариқа, Исроилни 2 йил ичида 4-муддатдан аввал парламент сайловлари кутмоқда. Бу ерда сиёсий инқироз 2019 йилдан бери давом этмоқда. Шу вақт ичида 3 марта сайловлар ўтказилган ва уларнинг барчасида ўнг ва сўл партиялар парламентда деярли бир хил сонда ўринлар олган. Бу эса ҳукуматни шакллантиришга тўсқинлик қилган.

БУ ҚИЗИҚ

“ Ўрта асрларда одамлар қандай яшаган, нималар билан шуғулланган? Биз ишимиз енгиллашган сари вақт танқислигидан, ишимиз кўплигидан ҳамда қабул қилиб олишимиз керак бўлган тугамас маълумотлар оқимидан шикоят қиламиз. Шундай экан, қадимда яшаган одамлар аҳволи билан ўзингизникини бир солиштириб кўринг.



ЗАРҲАЛЧИ

Жарангдор номли ушбу касб эгаси аслида кўчадаги ахлатларни йиғиштириб юрар эди. Унинг вазифаси кўчаларни тозалаш эди. Ўтмишда маданият ривожланмаган, одамлар тозалikka унча ҳам риоя қилишмас эди. Шуларни ҳисобга олган ҳолда, зарҳалчининг иши қанчалик оғир бўлганини тасаввур қилиш қийин эмас. Одамлар ахлатларни кўчага ташлаганлари етмагандай, уйдаги чиқиндиларни ҳам деразадан кўчага улоқтирар эдилар. Мана шундай шароитда зарҳалчилар кўчаларни санитария талабларига жавоб берадиган ҳолатда тутишлари зарур эди. Бироқ маошлари жудаям кам, арзи-маган микдорда эди. Бунинг устига бундай касб эгаларини ҳеч ким менсимас, уларга паст назар билан қаралар эди.

ИНСОН-БУДИЛЬНИК

Мижозлар буюртмасига биноан махсус одам эрталаб келишилган вақтда уйига келиб, уйқучи одамларни уйғотиш учун эшик ёки деразани тақиллатадиган хизмат касбидир. Иккинчи ва ундан юқори қаватда яшовчиларни уйғотиш учун енгил ва узун бамбук устундан фойдаланилган. Кейинчалик бу мутахассислар ўрнини механик, сўнгра электрон сигнализациялар эгаллаган.



САРТАРОШ

Қадимги замон сартарошлари биз билган ҳозирги сартарошлардан анча фарқ қилар эдилар. Улар соч олишдан ташқари яна бошқа кўпгина юмушларни бажаришган. Ўрта асрларда Европада сочлар асосан ҳаммомларда олинган, сартарошлар ҳам айнан ўша ерда ишлаганлар. Улар соч олиш билан бирга мижозни чўмилтирганлар, уларнинг оёқ-қўлларидаги тирноқларни олганлар, уқалаганлар (*массаж*), чиққан бўғимларни жойига туширганлар, боғловлар қўйганлар ва ҳаттоки оғриётган тишларни ҳам суғур-



ЎРТА АСРЛАРДАГИ БАЪЗИ ҒАЙРИОДДИЙ КАСБЛАР

ганлар. Булардан ташқари, сартарош мижозини текширувдан ўтказиши, битлари бўлса, уларни тозалаши, қон чиқариб, танани ички тарафдан ҳам тозалаб беришлари лозим эди. Қон чиқариш учун тери остидаги томирлар озгина кесилар, бу жудаям фойдали муолажа ҳисобланар эди. Ўрта аср тиббиёти кўпгина касалликлар туриб қолган ёмон қон туфайли юзага келади, деб ҳисоблар эди, шунинг учун уни танадан чиқариб юбориш зарур эди.

Бу каби ишлар билан табиблар шуғулланишмаганмикан, деган ҳақли савол туғилиши табиий. Албатта, профессионал табиблар ҳам бўлган, аммо улар жиддийроқ касалликлар билан шуғулланганлар, маълумотлари ҳам, жамиятда тутган ўринлари ҳам шунга яраша юқорироқ бўлган.

ЧАШНАЧИ

Ўрта асрларда қирол ёки сарой аъёнларини заҳарлаб ўлдириш одатий ҳолга айланиб қолган эди. Бундай нохуш ҳолатнинг олдини олиш дегустаторлар вазифасига кирар эди. У даврдаги дегустатор таом ёки ичимликни синовдан ўтказиб, унга баҳо бериш билан эмас, қирол ҳамда сарой аъёнларига келтирилаётган егуликда заҳар бор-йўқлигини текшириш билан шуғулланар эди. Таомда заҳар бор-йўқлигини текширишнинг бирдан-бир йўли эса уни татиб кўриш эди. Дегустатор айнан ана шундай хавфли вазифани бажарар эди. Агар хизматкорга ҳеч нарса қилмаса, қирол ва сарой аъёнлари овқат тановул қилишни бошлар эдилар.



КИМЁГАР

Кимёгар деганда, ўрта асрларда тушунарсиз нарсаларда сирли маъно қидирган ҳамда ғайриоддий воқеаларга изоҳ берган олимлар тушунилар эди. Кимёгарлар мистикага ишонганлар, мўъжизавий фалсафа тошини қидирганлар, қимматбаҳо металлларни яратиш сирларини топишга ҳаракат қилганлар. Кимёгарлар илмий ишлар билан шуғуллана туриб ҳам, турли илоҳлар ва ўзга ўлчамдаги кучлар борлигига ишонганлар. Барча билим ва кашфиётлар авлоддан авлодга ўтиб келган ёки шогирдларга топширилган. Бироқ ўша даврдаги баъзи қизиқишлар, назариялар замонавий илмга зид бўлган, шунинг учун ҳам вақт ўтган сайин ҳамда илм-фан ривожланган сари ўша даврнинг мистикага асосланган кимё фани йўқ бўлиб кетди.



Нигора МАМАТҚУЛОВА,
Жиззах шаҳридаги 8-умумтаълим мактабининг бошланғич синф ўқитувчиси

ХОРИЖИЙ ҲИСОБРАҚАМГА ТАҚИҚ



Қозоғистон Президенти Қосим-Жўмарт Тўқаев қонунга давлат хизматчиларига хорижий банкларда ҳисобрақам сақлашни тақиқловчи тузатмаларни имзолади. Уларга кўра,

Қозоғистон ташқарисида жойлашган хорижий банкларда ҳисобрақамлар, омонатлар очиш ва уларга эгалик қилиш, нақд пул ва моддий қимматликлар сақлаш тақиқланади.

Бу тақиқлов масъул давлат лавозимларини эгалловчи ёки давлат вазифаларини бажаришга ваколатли ҳамда мансабдор шахсларга, шунингдек, парламент депутатлари ва судьяларга жорий қилинади.

АВИАБАЗА ҲУЖУМГА УЧРАДИ



ларга кўра, йўқотишлар ва жароҳатланганлар йўқ», дея НАТОнинг Афғонистондаги йўриқчи ва маслаҳатчилари миссияси баёнотидан иқтибос келтирган агентлик.

Баграм тумани маъмурияти вакилининг сўзларига кўра, АҚШ авиабазасига тўртта ракета учирилган. Хабарда айтилишича, Афғонистон полицияси яна олтига снаряд келиб тушишининг олдини олган.

АҚШ ва НАТО қўшинларининг Афғонистондаги энг йирик Баграм авиабазасига ракета зарбалари берилди. Бу ҳақда «Rajwok» агентлиги хабар бермоқда. «Дастлабки маълумотларга кўра, йўқотишлар ва жароҳатланганлар йўқ», дея НАТОнинг Афғонистондаги йўриқчи ва маслаҳатчилари миссияси баёнотидан иқтибос келтирган агентлик.

200 ЎРИНЛИ ШИФОХОНА



Қирғизистоннинг Боткен вилояти Қадамжай туманида Ўзбекистон кўмаги билан 200 ўринли юқумли касалликлар шифохонаси куриб битказилди. Замонавий шифохона курилиши ва жиҳозланиши тўлиқ Ўзбекистон томонидан молиялаштирилди ва қисқа муддатларда фойдаланишга топширилди. Муассаса зарур тиббий жиҳозлар ва мебеллар билан тўлиқ жиҳозланган бўлиб, беморлар учун барча шароитлар яратилган.

200 ўринли юқумли касалликлар шифохонасининг очилиш маросимида сўзга чиққанлар Ўзбекистон Президенти Шавкат Мирзиёевга ва ўзбек халқига миннатдорлик билдиришди.

Интернет материаллари асосида тайёрланди.

СОҒЛОМ ТАНДА – СОҒ АҚЛ

СПОРТГА ЖАЛБ ЭТИШ АСОСИЙ МАҚСАД

« Республикамиз бўйлаб «Ким Ватанга содиқ бўлса, мендирман ўша!» шиори остида ўтказилаётган «Ватанпарварлик ойлиги» муносабати билан пойтахтимиздаги умумтаълим мактабларининг 10-11-синф ўқувчилари ўртасида спорт ўйинларининг туман босқичи бўлиб ўтди.



Тошкент шаҳар мудофаа ишлари бошқармаси ҳамда қатор давлат ва жамоат ташкилотлари ҳамкорлигида ташкил этилган мусобақаларда ўқувчи ёшлар спортнинг мини-футбол, баскетбол ҳамда волейбол турлари бўйича беллашдилар.

– Мусобақаларни ўтказишдан кўзланган мақсад, – дейди майор Сўхроб Худойқулов, – ўсиб келаётган

ёшларни ватанпарварлик руҳида тарбиялаш, уларнинг бир-бирларига бўлган дўстона муносабатларини янада мустаҳкамлаш, спорт билан шуғулланишга жалб этишга қаратилган.

Тўрт кун давомида 400 нафарга яқин ўқувчи иштирок этган мусобақаларда ғолиб ва совриндорлар муносиб рағбатлантирилди.

« В спортивном комплексе «Саховат», расположенном в Юнусабадском районе столицы, состоялся республиканский этап турнира по уличному спорту «Street workout», организованного по инициативе Агентства молодежи, а также министерств обороны и физической культуры и спорта, в котором приняли участие победители своих регионов.

ПОБЕДИТЕЛЮ ТУРНИРА АВТОМОБИЛЬ «SPARK»



Чемпионат по этому виду спорта проводится по предложению молодежи. Также в целях развития данного вида спорта среди молодежи было принято решение о регулярном проведении турнира.

За первое место победителю соревнования торжественно вручены ключи от автомобиля «Spark», за второе место

– 50 млн сумов, а за третье – 30 млн сумов.

В ходе мероприятия состоялись выступления оркестров и артистов ансамблей Министерства обороны, Национальной гвардии, а также Пограничных войск.

ЧЕМПИОНАТ ПО ДЗЮДО

СИЛЬНАЯ МОЛОДЕЖЬ

попадает в национальную сборную

« В спортивном комплексе Центра развития высших спортивных результатов Министерства обороны прошел чемпионат Узбекистана по дзюдо среди юношей и девушек в возрасте 14-15 лет. Турнир организован Федерацией дзюдо при поддержке министерств обороны и народного образования, а также Национального олимпийского комитета.



Как отметил главный судья турнира Бауржан Абишев, в турнире участвовали более 700 спортсменов из 14 регионов нашей стране. Победители своих весовых категорий будут приглашены в национальную сборную по дзюдо. Отсюда и цель проведения турнира – отбор талантливых спортсменов, ну и конечно же пропаганда здорового образа жизни среди молодежи.

В завершении турнира победители и призеры награждены ценными подарками и призами, а также дипломами и сертификатами.

Автор полосы Чингиз РАИМБЕРДИЕВ,
«Vatanparvar»





MUSAVVIR QORBOBO

Ertalab turib qarasam, derazaga birov gul chizibdi.

— Voy, buncha chiroyli! — dedim sevinib. — Oyijon, qarang, derazaga kimdir gul chizibdi.

— Qorbobo chizgandirlar, — dedilar oyim kulimsirab.

— Qorbobo keldilarmi? Nega meni uyg'otmadingiz? — dedim.

— Ha, Qorbobo keldilar. Mana, senga bir talay sovg'alar tashlab ketdilar. «Baxtiyor yaxshi o'qiyaptimi, baholari qanday?» — dedilar. Kundalik daftaringni ko'rdilar, balli deb, seni maqtadilar. Faqat yozuvi uncha chiroyli emas, chizgan rasmlari ham chala, bo'yamabdi ham, dedilar.

Men darrov daftarlarimni ochib qaradim. Haqiqatan ham, yozuvlarim o'zimga yoqmadi. Chizgan rasmlarimni ko'rib, o'zim uyalib ketdim.

— Oyijon, Qorbobo yana keladilarmi?

— Albatta, yana kelaman, deb ketdilar.

— Qorbobo kelgunlaricha men yozuvlarimni tuzataman. Endi toza va chiroyli qilib yozaman, rasmlarni bo'yab, chiroyli qilib qo'yaman, — dedim. So'ng derazadagi rasmlarni yana diqqat bilan tomosha qildim. Ular juda chiroyli, nafis chizilgan edi.

— Oyijon, Qorbobo musavvir ekanlar-da.

— Ha, — dedilar oyim. — Qorbobo aytdilarki, Baxtiyor tabiatni ko'proq kuzatsin, yozda nega deraza muzlamay, qishda muzlashini aytib bersin, dedilar.

Men o'ylab qoldim, nega shunday bo'lar ekan?

O'XSHASHINI TOPING



Suratlardagi 10 ta farqni toping.



Labirint



«МАРДЛАР ҚЎРИҚЛАЙДИ ВАТАННИ!»

ЁРҚИН ЛАҲЗАЛАР

« Ҳарбий-ватанпарварлик йўналишида ижод қилаётган шоирлар, композитор ва ёш ижодкорларга шарт-шароитлар яратиш, уларни қўллаб-қувватлаш ва рағбатлантириш мақсадида Мудофаа вазирлиги, Ички ишлар вазирлиги, Давлат хавфсизлик хизмати, Фавқулодда вазиятлар вазирлиги, Ўзбекистон Ёзувчилар уюшмаси, Ўзбекистон композиторлар ва бастакорлар уюшмаси, Ёшлар иттифоқи ҳамкорлигида ташкил қилинган «Мардлар қўриқлайди Ватанни!» танлови кўплаб ёш истеъдодлар ва мусиқий асарларнинг юзага чиқишида муҳим аҳамият касб этди.



Саф, эстрада, лирик қўшиқлар номинацияларида жами 44 нафардан ортиқ ҳарбий-ватанпарварлик йўналишида ижод қилаётган профессионал ва ёш шоирлар, бастакорлар, яккахон ва ансамбль жамоалари қўшиқ матни ва мусиқанинг бадиий савияси, мазмуни, ижрочи маҳорати, сахна режиссураси ва бошқа йўналишлар бўйича ҳакамлар ҳайъати томонидан баҳолаб борилди.

Умумий натижаларга кўра, «Саф қўшиқлари» йўналиши бўйича:

1-ўрин: Ўзбекистон Республикаси Ички ишлар вазирлиги. «Янги Ўзбекистонни биргаликда қургаймиз» қўшиғи. Ижрочи сержант Зокиржон Тўйчиев. Сафдорлар: Суҳроб Ҳамдамов, Шерали Бекмуралов, Фарход Қамбаров.

2-ўрин: Қуролли Кучлар Марказий ашула ва рақс ансамбли хонандаси, Ўзбекистонда хизмат кўрсатган артист Марат Ҳакимов. «Мардлар сафидаман» қўшиғи билан.

3-ўрин: Ўзбекистон Республикаси Давлат хавфсизлик хизмати Чегара қўшинлари. «Учувчилар» қўшиғи. Кичик сержант Ҳусниддин Ҳалимқулов ижросида.

«Эстрада қўшиқлари» йўналиши бўйича:

1-ўрин: Ўзбекистон Республикаси Давлат хавф-

сизлик хизмати Чегара қўшинлари. «Граница» қўшиғи. Кичик сержантлар – Хуршид Назиров, Ҳусниддин Ҳалимқулов ижросида.

2-ўрин: Фавқулодда вазиятлар вазирлиги. «Муқаддас жон қадар» қўшиғи. Подполковник Савриддин Нажмиев ижросида.

3-ўрин: Қуролли Кучлар Марказий ашула ва рақс ансамбли хор жамоаси. «Халқ бу» қўшиғи.

«Лирик қўшиқлар» йўналиши бўйича:

1-ўрин: Қуролли Кучлар Марказий ашула ва рақс ансамбли хор жамоаси. «Ватан» қўшиғи.

2-ўрин: Ўзбекистон Республикаси Миллий гвардияси. «Постда» қўшиғи. Контракт бўйича ҳарбий хизматчи, оддий аскар Бегзат Бегдуллаев ижросида.

3-ўрин: Мудофаа вазирлиги Махсус авария-тиклаш бошқармаси. «Элга арнов» қўшиғи. Кичик сержант Солихўжа Жиянов ижросида.

Кўтаринки кайфият ва ёрқин лаҳзаларга бой бўлган танлов якунида ғолиблар диплом ва пул мукофоти билан тақдирландилар.

Б. ЭЛМУРДОВ



БИР ЧИМДИМ

Ўз оstonасидаги қорни
курамай, қўшниси
томини қор босганидан
шикоят қилувчи
одамлар оз эмас.

Конфуций

БИЛАСИЗМИ?

Европада шундай номдор жангчилар бор эдики, уларга ҳеч ким бас кела олмасди. Уточар қуролларнинг пайдо бўлиши билан уларнинг қадри пасайиб, бора-бора уларга эҳтиёж ҳам йўқолди. Улар кимлар эди?

Жавоб: деградация

БИЛАСИЗМИ?

Бу ихтирочи буғ билан юрадиган самолёт, занжир ғилдиракли трактор ва бошқа кўплаб кашфиётлар муаллифи ҳисобланади. Аммо у ўз номини миллионлаб кишиларнинг ўлимига сабаб бўлган ихтиросига берган. Ва бу ихтироси учун барон титулига ҳам эришган. У қайси қуролни ихтиро қилган?

Жавоб: Максимилиан

Газетанинг 2021 йил 1-сони
8 январь куни чиқади.

VATANPARVAR

Муассис:



ЎЗБЕКИСТОН
РЕСПУБЛИКАСИ
МУДОФАА
ВАЗИРЛИГИ

www.mudofaa.uz

Бош муҳаррир:

майор
Аҳрор Очиллов

Навбатчи:

Дилшод Рўзиқулов

Саҳифаловчилар:

Нодирабегим Валиева
Дилноза Мелиқўзиева

Мусахҳиҳлар:

Зебо Сариева
Мастура Қурбонова
Муаттар Мелиева

Телефонлар:

котибият: (71) 260-36-50
бухгалтерия: (71) 260-35-20
юримдик бўлим: (71) 269-88-91
факс: (71) 260-32-29

ISSN 2010-5541

Таҳририятга келган қўлёмалар тақриз қилинмайди ва муаллифларга қайтарилмайди. Мудофаа вазирлиги Ахборот ва оммавий коммуникациялар департаменти – «Ватанпарвар» Бирлашган таҳририятнинг компьютер марказида саҳифаланди.

Газета Ўзбекистон Матбуот ва ахборот агентлигида 2008 йил 6 июнда 0535 рақами билан рўйхатга олинган.

Газетанинг етказиб берилиши учун обунани расмийлаштирган ташкилот жавобгар. Муаллифлар фикри таҳририят нуқтаи назаридан фарқлиниши мумкин.

Буюртма: г-1262.
Ҳажми: 6 босма табоқ.
Бичими: А3.
Адади: 30 244 нусха.
Босишга топшириш вақти: 14:00.
Топширилди: 14:30.

Газета 1992 йилнинг 24 июнидан чиқа бошлаган.

Нашр кўрсаткичи: 114.
Баҳоси: келишилган нарҳда.

«Шарқ» нашриёт-матбаа акциядорлик компаниясида чоп этилди. Босмахона манзили: Тошкент ш. Буюк Турон кўчаси, 41-уй.

123456

Манзилимиз:
100164, Тошкент,
Университет кўчаси, 1-уй.